

دیوان

پايرک قوشچو راغدو

سەنچىرىخانى دەرىپەتىپ
مەكتەبەسىن مەھىمنىڭە سەدىق

دیوان اشعار ترکی بايرك قوشچو او غلو

تصحیح: دکتر حسین محمدزاده دوزگون

ناشر: ندای شمس، محل نشر: تبریز، سال نشر: ۱۳۸۹

(توجه: این کتاب فاقد مقدمه دکتر ح.م. صدیق بر چاپ کتاب اصلی است)

- ۱ -

من بو سفره واریرام^۱، دورلو^۲ متعالار آلماغا،
تکبرلوگو ترک ائدیب، سالوسلوغو سالماغا.
حرص و هوانی ترک ائتدیم، أرنلر^۳ دئدیگین دوتدموم،
اسیر نفسم دگیلم، گلミش پوربار اولماغا.
سلطان شهرینه واریرام، صرافينا يالواریرام،
تؤ کموشم خورده فروشلوق، لعل ايلن گووهر آلماغا.
من بو جمین غلامیام، هر نه دئسلر حالیام،
خواجه مدن بویروق^۴ اولوبدور، گلミش دفتر آلماغا.
کعبه سیرره واریرام طواف یکسر آلماغا.
قوشچو او غلویام، بنده یم، گلیب جمه فرماندايام،
کعبه سیرره واریرام طواف یکسر آلماغا.

- ۲ -

يارنلریم^۵ گلین وارالیم شاهاء

۱- وارماق: گتسک. ۲- دورلو: قیمتلى، باهالي، مختلف. ۳- ارن: مرشد، روحانى.

۴- بویروق: امر، فرمان، گۆستريش.

۵- يارن (يا+ارن): اي يارلار، اي يولداشلار!

صبح و شام يالواراق قدیم آلللاها.
 پیرلر پیرلیک اوسته، داعوا ائتدیلر،
 پیرها بینیامیندیر، کنچجدى گوواها.
 دوحسان مین غلاما نظر ائیله‌دی،
 داود دلیل اولدو، سالدی بوراها.
 ایزینی ایزله‌دی عمانه دالدی،
 اوزونو گورستدی دریادا ماها.
 یارنلراشیدینقوشچو اوغلوندان،
 یار دری قibile دیر، گلین طوافا.

-۳-

بیر گون اولا، سولطانیمیز خان اولا،
 جمله عالم حؤکمونه فرمان اولا.
 بار گاهین قورا زمین اوزونه،
 چوخ اینانمیانلار با ایمان اولا.
 بیر اوزون گورسه‌ده اهل توحیده،
 ناگاهدان بارچاسی ۱ اورامان اولا.
 اصل اصله گنده، وصل ده وصله،
 نیم روز قالیب، صاحب میدان اولا.
 زمستانی وئره اول گرمیانه،

۱- بارچا: زیارت یئری، بارگاه.

ياووقدور پيرين قوولو بيان اولا.
 ارنلر بويونا بيچيلدى خلعت،
 بير نچهسى قالىب نميان اولا.
 يارلا را گون دوغى، اولمايا آخشام،
 بو گوندە دردلرىنه درمان اولا.
 كىمى يوكون دوتموش اولا رحمتىن،
 كىمى سى قاپودا بى سامان اولا.
 قوشچو اوغلۇ دئىير: يىغىلىن ياران،
 يارىم ساعات قالىيدىر ديوان ۱ او لا!
 -۴-

پادشاهيم بير شهر سالمىش ايكى جahan آرسىندا،
 باخدىقجا ديدار گئورونور او شهرىن هر پاراسىندا،
 بىزدە او شەھرە واردىق، يايپىلى ۲ كۆنوللر گئوردو ك،
 بىز اۋزوموزدە يايپىلىق كۆنۇنللىرىن آراسىندا.
 توپراق اولوبان الندىك، پالچىق اولوب يوغورلاندىق ۳،
 كريپىج اولوبان هئروللدو ك او شهرىن ديوارسىندا.
 شەھردن او خلار آتىيلir، آتىيلib جانا باتىيلir،
 دورلو متعالار ساتىيلir، او شهرىن بازاراسىندا.
 اوستادينا داش يوندورور، شاگىرىدىنه ايش قاندىرىر،

۱- ديوان: جزا، محكمه، حاكىملىك يىرى.

۲- يايپىلى: دوزلمىش، سهمانلانمىش، بوتون وصاف.

۳- يوغورلانماق: خمير اولماق.

آللاهين آدين آنديرير او داشين هر پاراسيندا.
عاقيل اولان يو خو آنلار، جاهيل او لان اونو دانلار،
خواجم قولو چيخار بانلار او شهرين ميناراسيندا.
گشتديم گوردوم گئرچكلرى ۱، آسلامىب حاک درينه،
كاشكى من ده آسلامايديم او گئرچكلر آراسيندا.
شهر دئيگين گول ايميش، نه داش ايميش، نه گيل ايميش،
قوشچو اوغلو بيرقول ايميش گئرچك قوللار آراسيندا.

- ۵ -

بيزى، يارب! يارستاندان آيرما،
يارينى دين و ايماندان آيرما.
باغين گولدور، من اونون بولبولويم،
بولبولونو گولوستاندان آيرما.
اوردگين يئرى گئول، گئولسوز ديريلمز،
اوردگى گئولدن ياباندان ۲ آيرما!
باليغن يئرى سو، سوسوز ديريلمز،
باليغى سودان- عمماندان آيرما.

۱- گئرچك: دوغرو، دوز و اينانجي صاف.

۱- يابان: صحرا، چؤل، بیابان.

آری نین يئرى شان، شانسىز دىرىلىمز،

ايلاھىم! آرينى شاندان آييرما.

جئيرانىن يئرى چؤل، چۈلسوز دىرىلىمز،

جئيرانى چۈل-بىباباندان آييرما.

قوشچو اوغۇزلو قولدور ديواندان گلىر،

ايلاھىم! قولو ديواندان آييرما!

- ٦ -

گوناهكارام كرم كانى، سى منى يارا باغيشلا،

بنيامين ايلن قورولان، شرط واقرارا باغيشلا!

مولانىن گىزلىن سىررىنه، بحر بى پايان امرىنه،

يارستانىن كردارىنه، داود ناز دارا باغيشلا.

اويدورما دنيا غمىنه، سالما دو دللر ايچىنه،

پير موسى نين قلمىنه، خىدمت رزبارا باغيشلا.

سيغىندىم ١ سى تكىن دوستا، هەچ أل يوخدور ألىن اوسته،

مصطفای داودانه حكم قەھارا باغيشلا.

عالمى سالدىن اوپونا، كافىلرى گتىر دينه،

روچىار زىردسته، يار ياد گارا باغيشلا.

يار او دور گىروهدن آشا، سوره متزل وارا باشا،

منكى ياندىران آتشە، بىرايسىمين نارا باغيشلا.

1- سىغىنماق: پناه گتىرمىك.

قوشچو اوغۇلو دئير يار، هي! يارِ واحدِ كرّار، هي!
يئتمىش مين بىر قولامىن وار، بىزى اونلارا باغىشلا.

- ٧ -

يارنلر گلىن يالواراق يارا،
يئر-گۇئى يئيهسى پروردىگارا.
ديدارا باخ گئور، ديدار بقادىر،
خلايقلار أوزون توتور ديوارا.
منىم ، دردىمىن دواسى سن سن،
مين طبيب گلسە، بولاماز چارا.
ابراهيم پادشاه أوستومە گلدى،
داود جنىد گل، سن يئت هاوارا.
قوشچو اوغۇلو أوزون يئيهوى ١ تانى،
صىدقىلە باغانان خاوند گارا.

- ٨ -

بو گئجه دلخورام اولدوم، مبارك شب، مبارك شب!
غمىم گىتدى، بي غم اولدوم، مبارك شب، مبارك شب!
منىم يئيم بي نظيردىر، جميع يئرلرده حاضير دير،
بو گئجه عيد غديردىر، مبارك شب، مبارك شب!
گۈيدن يئرە چيراق ائندى، دولدول ايلە بوراق ائندى،

١- يئيه: صاحب، مالىك، ارباب.

اهل حققه تيفاق ائتدى، مبارك شب، مبارك شب!
 چيراق و خورشيد و ماهى، يئرو گؤيوندور بار گاهى،
 آچيقدىر ديلك در گاهى، مبارك شب، مبارك شب!
 او يوب بار چا ۱ خلابىقلر، او ياقدىر حققه لا يقلر،
 خىدمتده دير ملايىكىر، مبارك شب، مبارك شب!
 عرشين خوروزودور بانلار، واخت ايله ساعتى آنلار،
 خواجهم بىلر نەلر دانلار، مبارك شب، مبارك شب!
 قوشچو اوغىلى لو گنجە اوتدو، ۲ عرشين خوروزو باز ائتدى،
 يقين بىللم كى دان اوتدو، مبارك شب، مبارك شب!

- ۹ -

گون اولا يار گله يانيما، يارب!
 ياردان غئير نە يارار جانيما، يارب!
 دوست ايچون مشغولام، ها انتظارام،
 نولا دوست گله مهمانىما، يارب!
 دردلى قالمىشام درمان أله گلمز،
 نە ياخشىدىر درد درمانىما، يارب!
 گنجەلر خواب ايچىنده ياتا بىللم،
 رحم ائت دىدەي گىرييانىما، يارب!

۱- بارجا: چوخ، خىلى.

۱- اۇتمىك: سونا يىشىك، قورتارماق.

يئرە گۆيە سىغماز چو خدور گوناھىم!
 يارامام ۱ قوللوق ۲ سولطانيما، يارب!
 اسماعيلم، يارين يولوندا تسليم،
 گۈيىدىن قوچ گله قوربانىما، يارب!
 قوشچواو غلونون گل وئر گىل مورادىن،
 لوطف ائيله گىلن دئورانىما، يارب!

- ۱۰ -

جان او دور گۈزونە جانان گۇرۇنوب،
 كۈنول! گۈزە شاه جەھان گۇرۇنوب،
 كۈنول گۈز آرىدىب ۲ گىرد و غوباردان،
 پىرىن سىررىنه ھزاران گۇرۇنوب.
 چون حضرت واردى عزت قاپىسىنا،
 شريعت، طريقت دوخسان گۇرۇنوب.
 او تۈزمىن ساخلاندى على ◆ سىررىندە،
 آلتىمىش مىنى شرعە اركان گۇرۇنوب.
 خلاييق نە بىلىر تانرى قاندا دىر،
 صيدق ايلن آغا جا باخسان، گۇرۇنوب!
 قاپىدا يار دىلر، ۳ ايچرى گىرمىز،

۱- ياراماق: لايىق اولماق، درده دىگىمك. ۲- قوللوق: خىدмет، ايشچىلىك.

۱- آرىدىماق: تميزلەمك، پاكلاماڭ.

۱- دىلەمك: آرزو اتىمك، اىستەمك. ۲- آياق (=اياغ): ايچگى، ايچگى قابى، باده و جام باده.

کؤنلونه- گۆزونه گومان گۇرۇنوب.
سۇيىلر رازىن، آيرى دېگىل غەمازىن،
شەبازىن گۆزونه قرآن گۇرۇنوب.
يىگانه قول خىدەت ائتمىكىدە مىرى،
چون تخت دۇولتىدە سولطان گۇرۇنوب.
قوشچۇغۇ لۇنۇن يئددى جىدى گۈيندە،
آياق ۲ اىچمىش اسىروك ۳ مستان گۇرۇنوب.

- ۱۱ -

گل، اى فريادرس! فريادىما يېت،
حؤكملى پادشاه، سىن دادىما يېت!
ايش موشكولە دوشوب هاراي چاغىررام،
عزيز خاوندگار، هارايىما يېت!
ھىيجومون دۇنو ايلە چىخما جاھانا!
ھىيجومون ساواشدى بىدادىما يېت!
گوناھكار قوللارىن دوروب قاپىندا،
يا سىد ابراهيم امىدادىما يېت!
قوشچو اوغۇلۇ اوزو أوستە دوشوبىدور،

۳- اسىروك (اسرىيک): كىنلى، مست.

گوناهکار قولوندور، گوناھیندان اؤت!

- ۱۲ -

لو حوندا نه يازيلميشدир سعادتلى باشا باخ،
آه ائيله سىنەم يانار عشقىلە آتشا باخ،
تعالى اللاھين آيەسى خوبلارين وجهينده دير،
آيتە غلط باخانا او قلبى قماشا باخ!
عهد و پيمان ائيله دين کى سيرىمى ساخلا ياسان،
ائيله دين خلقە برملا، بوسىرر و سيرداشا باخ!
آى ايله گون بىر اولدو، دوغدو محمد □ ين نورو،
نابالىغ هيلا لاربىنzer، صورتىنده قاشا باخ.
بىر غربىيەدن اشىتىدىم، دل نياز ائيله ديم بوجون،
گۈزلىريمىدن جىحون آخر، بو تو كىنمز ياشا باخ!
گل اى اوستاد با التعليم، بونجا صناعت سىنە، كيم،
لا جورددن خوب يارانميسىس بونىاد نقاشا باخ.
كافىر ترسانىن، جەھودون يازىقلارى گلىرى منه،
مدعى نين باغرى قاتى ۲ سن بو ارىلمىز داشا باخ.
كيم کى ايچدى قوشچو اوغلو ايچدىيگى پىمانەدن،
بى زوال اولوبان عۆمۇر، بو تو كىنمه ين ۳ ياشا باخ.

۱- ائتمىك: كىچىمك، صرفنظر ائتمىك.

۱- قات: موقايل، رو به رو، أوز به أوز. ۲- تو كىننك: سونا يىنمك، قورتارماق.

۳- بىلمىجە: بىلدىيگىم قىدر، نظرىمچە. ۴- بنىز: اۋز، چەرە، صورت.

- ۱۳ -

غرييم بو طرفه ده، بيليمجه ۱ سئوگى ياريم يوخ،
سارالدى سولدو بنيزيم، ۴ هر گيز حاليم سورارييم ۵ يوخ!
غرييم، تشهىيم، زaram، بولونماز درديمه چاره،
أوز توتوب حققه يالواررام بوندان آرتيق آچارييم يوخ.
عزيز بيزدن ايراق ۲ اولدو، جيگريم كُل داغ اولدو،
جميع جيسيميم كباب اولدو، صبر ائينده قراريم يوخ،
وصليله جاندان آيريلديم، باغرا باسديم، صبيير قيلديم،
خاطيره اوليا گلدى، بوندان آرتيق گوداريم يوخ.
اولو سولطانا من قولام، نېچون دئيم كى يوخ سلام؟
پادشاه گنجيندن ياريم آخچا آرتيق دينارييم يوخ.
باغداددان تبريزه وارديم، حققى سرمايىدە بولدوم،
آغىر بازر گانلار كىمى طلب ايله كارباريم يوخ.

- ۱۴ -

غافيلي غفلت آپارميش، او يويوب دور او ياغى يوخ،
أوزو قالميش قارانقودا، چيراغى نين دا ياغى يوخ.
شرعين او خوموش موللارار گوردون بوش قالميش كاغىذى،
قاضى خسته مفليس اولموش، فتوا ايچونها چاغى يوخ.

۵- سورار: سوروشان، سؤال اندن.

۱- ايراق: اوزاق.

اولو سولطانلارى گۇردوm تاج- تختى بوراخمیش گئدر،
 حؤكىملر يئييمز اولدو شەھرى نين ناساغى يوخ.
 ئۈركىرينه دونلوق ۱ وئرمز، باشى نين چاره سین قىلىسىن،
 أوستونه ياد ياغى گلمىش، اسلاھىسى - ياراغى يوخ.
 آبداللارى گۇردوm نفس اىيچون قاپى - قاپى دىلىنى،
 باشينا چاغى داراولموش هىچ يئرددە دوراگى ۲ يوخ.
 قوشچو اوغلو! بو عصردە غافيل اولما گىلن، زنهار!
 خواجم بير وعده قويوبدور، ياخىندىر هېچ ايراقى يوخ!

- ۱۵ -

دگىمە ۳ كىشى صوفى اولماز، سىنەسى نين صافى يوخ،
 ئلينى مرشدە وئرمىش، كۈنلۈنۈن انصافى يوخ.
 ئلينى مرشدە وئرمىش، حققىن بويوردوغۇن توتموش،
 خىدمتى قبول دىكىلىدىر اگر آللەھدان خوفى يوخ.
 بىر كۈنلۈدە خوف الله، مهر محمد □ اولماسا،
 قارانقولوق داما بنزىر، زنجىر و طەنافى يوخ.
 بىر كىشى كى جمه وارا، اۋز خوبىنۇ دىكىشمىھ،
 مىن كىرە كعبە يە وارمىش اولسادا طوافى يوخ.
 دئدىلر قوشچو اوغلۇنا چوخ سۆزۈن لاف ائتمە گىلن،

1- دونلوق: خلعت، گىنیم.

2- دوراق: توقف ائدىلەن يىش. 2- دگىمە: بىگىلىمىش، سىچىلىمىش.

حقدە بىلر كى سۆزومون لافى يوخ، گۈزافى يوخ.

- ۱۶ -

من بىر دردلى دلى ۱ كى كىمسە مندن خبرى يوخ،

سۇلشىمە ۲ او نولان چونكى اونون سىندىن خبرى يوخ.

ھەر كىمىسىه اوغرارام، آتار منه طعنه داشىن،

تختىنە او توران او لو ۳ او خاندان خبرى يوخ.

آدمى واردىر دونيادا حيوان ايلن بىردىر چونكى،

تکى جانىن و ترىب وصل جاناندان خبرى يوخ.

حققى تانىمايان آدام نوح طوفانىن گۇرەنمەدى،

اونون نە دردى واردىر قوپسادا طوفان خبرى يوخ.

ابراهيم اىچىرتمىش ايدى قوشچو او غلونا بو مئىدىن،

او يىلە سرمىت او لموشدور شول جهاندان خبرى يوخ.

- ۱۷ -

نەدن اىكىميىزه أوج يار دئيرلر،

آرامىزدا محبت وار دئيرلر؟

سەنин كۈنلۈن بىلير كۈنلۈمە كىنى،

«كۈنولدىن كۈنولە يول وار» دئيرلر.

يولوموز اينجە ۱ دىر، ھەم قىلدان اينجە،

۱- دلى: بورادا عشق دلىسى و عشق مجتۇنۇ آنلامىندا دىر. ۲- سۇلشىمە: مشاجەرە و مجادله اتىمك.

۳- او لو: بېرىشكە، عظمتلى.

بو يولدان دئوننه موردار دئيرلر.
 قاراقاشلار يوا قوريان او لايم،
 آلا گۈزلىريوه خمّار دئيرلر!
 يولا باخا- باخا باغريم قان اولدى،
 يارين گلمكىنه خبار ۲ دئيرلر.
 دواسىز درديمه درمان تاپىلماز،
 جمدن تكىرىنى آپار، دئيرلر.
 زرين يوخ، زورون يوخ، بيل قوشچو اوغلۇ،
 اليىندن گىلدىكجه يالوار دئيرلر.

- ۱۸ -

آدم صفى دئيرلر، لقبى بىر آدا بتزەر،
 من عاشيق يارا گتىردىم، خود اوزو مورادا نزەر.
 دئديلر: «[سۈيله] خدانى توتموسان يا اوئورموسۇن؟»
 يېرىدىم خدانى توتدوم آبداللارىم يادا بتزەر.
 دئديلر: «[سۈيله] خدانىن ذاتى صىفتاتى نىچە دىر؟»
 صىفتى آدم صىفتى، حىى - قىدى هادا بتزەر.
 دئدىم كە: «پىريم عىلەير، قىرخلا رايچىنده ولەيدىر،»
 ساغ اليىنده ساغر ساندىم، سول ألىنده بادە بتزەر.

۱- اينجىه: نازك، ظريف. ۲- خبار: خبر.

دونيايا ساوق ۱ يئل اسدى ، ارنلر صحبتىن كىسى.

زمانه نين سرتىكىندن، آشىنالار يادا بىزەر.

دونيانين يوخدور وفاسى، خوبلارين چوخدور جفاسى،

دونيانين گىلىپ گىدىشى دومانىلەن بادا بىزەر.

دئدىلر قوشچو اوغلونا چوخ زمانه عاشقى سن،

زمان او زمانه دگىل، ساعت او ساعاتا بىزەر.

- ۱۹ -

گلىن، گلىن، اى يارنلر، بىر عجايىب ديوان اولىور.

هر كسىن حال حالىجه اوزاولو شو ۲ بىان اولىور،

گلىن گۈرۈن او زاهىدى هرگىز اينانماز آشتىيا،

سيزده او نا اينانماينىن هاوا سامان قوان اولىور.

يارنلر دئر سلطان سحاق خلائق دئر يىزدان پاك،

جمله عالم آلىر موراد اول دمده كە فرمان اولىور.

شاد او يارنلر پىرىنە ايرمىشلىر حققىن سىرىرىنە،

ارنلە اينانميان يازىداكى ۳ حيوان اولىور.

قووشچو اوغلۇ بىل حالىوى دوغرو گۈرگىلن يولووى،

آل آلىوه چو گانىيى بىر گون اولىور، مئيدان اولىور.

- ۲۰ -

۱- ساوق: سويوق.

۲- اولوش: واقعە، طالىع.

۳- يازى: اشىك، چۈل، يىبابان.

گل ای معنی اهلی، کاندان خبر وئر،
وجودواندا نهوار، اوندان خبر وئر.
بیر آغاجدیر، میندیر اونون بوداغی،
اونون هر شاخساریندان خبر وئر.
طوبی آغاجی نین نهدیر میوه‌سی،
اونون چیچکلی باریندان خبر وئر.
دریایه چون گیردین گووه‌ر چیخارتدين،
صرافا گوستر آریندان خبر وئر.
قوشچو اوغلو اوژون یارا یاناشدیر،
یارا یاناش، دلداریندان خبر وئر.

- ۲۱ -

خوفوم وار سندن، قورخورام مکار،
فضل آیه‌سی سن، بنده گوناهکار.
بیر رحم ائله‌گیل، بنده یازیقدیر،
کرم ائله‌گیل، دمی دور بهتار. ۱
منیم خواجه‌مین ایکی الی وار،
بیر الی رحمت، بیری سیتمکار.
رحمت قاپی‌سین آچ اوزو مووزه،
بیز ایله ائله بیر اولو کردار.
آباد ائله‌مک گلیر الیندن،
خراب ائلمه معبد مکار.

۱- بهتر: بهتر.

يعقوبى يوسيف ايچون آغلاتدىن،
ايوب در دينه سن اول دون عطار.
قىرخ گون يونسى وئردىن بالىغا،
ائتدىن بالىغا اونا پرسنار.
مېن بير آدىنىن شرحىن او خورام،
يارنلر سىردىر حق خاوندگار.
يارلار او مىدى سن سن عزيزيم،
بىزە پناھ اول، پردهى ستار.
ارن حق اوستە قوردو ديوانى،
يالان لاف ائدن قىلمادى مىقدار.
كرم دگىلىمى اى قوشچو او غلو!
ابراهيم ياتار او دوندان ساخلار.

- ۲۲ -

بو دونيا فانيدر، آلدانما، زنهار،
بقادير حقيقى دوت، او سانما زنهار،
«عالم منيم» دئىيب چوخ مغۇر اولما،
اونون وفاسينا ايانما زنهار.
غۇّاص اولوب درىيائى عمانا دال،
آخىب اۆتن سويا دايىانما زنهار،
بو جاهانىن سئودىكىنن آيرى يار،
يقىن زوڭاردىر، دايىانما زنهار،
دودل اولان متزلينه يشىشىز،

يالانچى يولداشا اينانما زنهار.
قوشچو اوغلو دوش يار خاڭ درينه،
گلن باسيب گئچر قاوزانما، زنهار.

- ۲۳ -

يارنلر نىئىه يىم يار ياد اولوبدور،

بيزى غمگىن ائدىنلر شاد اولوبدور.
غرييلىك، غربتلىك داخى درىغا،
ازلدن عاشيقە بونىاد اولوبدور.
غرييلىك جىڭرىمى پارە قىلدى،
غرييلىكىدە كۈنول بر باد اولوبدور.
« يول منىمىدىر» دئىيب دعوى قىلانلار،
بيزه آرخا چئويرىپ ياد اولوبدور.
قوشچو اوغلو وطندىن آيرى دوشموش،
وطنى صحراي بغداد اولوبدور.

- ۲۴ -

يارنلر قولاغا هو سىسى گلىر،
كۈنول ذكر ائتمىگە هوھسى گلىر.
چىرى ذوالفقارى قىرار منكىرى،
بودور يارانلارين مولاسى گلىر.

يار او دور ڪسميه ياري نين يانين،
آرابير، بيريئه دو عاسي گلير.
کيمى کي صدق ايله دوتار دامنين،
اونون فريادينا آقاسي گلير.

گلين يوز سورتك اول خاڪ درينه،
بودور قوشچوغلو نون خواجه سى گلير.

- ۲۵ -

هر کيمين کيم اونون حق ياري يو خدور،
اگريوز وارايشه هئچ واري يو خدور.
چوخ کيمسه وار حئيوان گزر جهاندا،
اونون گفتاري وار، كرداري يو خدور.
طوطى كركس ايله هم نشين اولماز،
بولبولون زاغ ايلن بازارى يو خدور.
دونيادا قيزيل گول تيكانسيز اولماز،
او نئجه گولدور کي هئچ خاري يو خدور؟

ايچيلر باده لر مئيخانه لرده،
كس او آغا جلاري کيم باري يو خدور.
بير الده ايکى قارپوز دو تماق اولماز،
کيمين کي عشقى وار هئچ عاري يو خدور.
قوشچو او غلو حققين آزار دئيرلر،
آزارى وارايشه ، بizarى يو خدور.

- ۲۶ -

جاهان باشدان باشا يار او لا جاقدير،
 منكر او لان خوار و زار او لا جاقدير.
 بنiamين شرطينده غماز او لاتلار،
 يئرلى آتش نار او لا جاقدير.
 معبودون يكتا بيلمز، انسان دگيل،
 بو گون حئيوان صيفت خوار او لا جاقدير.
 ايوب چيخيب مشرقدن جارين جارلار،
 مغربده يار خبردار او لا جاقدير.
 پرديورين چخار بير تك آتلى سى،
 جاهان توزدان پور غوبار او لا جاقدير.
 هر ياردئين يار او لاماز، قوشچوغلو!
 شراب لاف ايچن خمام او لا جاقدير.

- ۲۷ -

الاهي يشدىكيم نعمت سنيندир،
 مشرف يارانان خيلقت سنيندир.
 اوجاداغا اگيل دئسن اگيلر،
 اگيمز - يي�يلماز طاقت سنيندир.
 بونجا سلاطينلر خشمiene دؤرمز،
 يئرده گويده، مظهر، هئيت سنيندир.
 يئر أوزون بزه تدين لاله چيچكله،
 بونجا اشيايله حكمت سنيندир.
 گوناهكارام باغيشلا يانيم سنسن،

کرم آیه‌سی سن مروت سینیدیر.
دور، ای، نه یاتیسان قوشچونون او غلو،
لال ایکن سوئیله‌دن دؤلت سینیدیر!

- ۲۸ -

سولطانلار قیرغینی سولطانیه ده،
زنجاندا اولو دیوان او لا جاقدیر.
دؤرد اقليمده دوش بیر اولو ساواش،
گڙوده‌لر ۱ آپاران قان او جاقدیر.
علی نعره وورار چیخار جاهانا،
جahan حؤكمونه فرمان او لا جاقدیر.
يئددى گون، يئددى گئجه آت سوره‌جك،
محشر قوپوبان طوفان او لا جاقدیر.
اولولار، انبیالار يېغىلاجاق،
سوز يالان دگيل، عيان او لا جاقدير.

- ۲۹ -

حؤكمولو پادشاه چیخار جاهانا عدل - داد ائيلر،
سيلر اسکى مۇركبى، يىنى باشدان بارات ۲ ائيلر.
باشلار بوتون آياق اولار، آياقلار ايسه باش اولار،
آلار مسکينلر دادينى، بو ديوانى آباد ائيلر.

1- گڙوده: بدن، جىسم، لش.

- بارات: امر، فرمان، اذن.

او بير سلطان باهادير^۱ دير، كيمسه چكمز يايىنى،
مخنّين او خو باتماز، جوشىنى پولاد ائيلر.
او بير بهتر هود اولورسا، صالح موجود اولورسا،
دوروب قوللارينى سالسا او يونا قيامات ائيلر.
تازى گؤيدن يئنر يئره، ايستر كى مؤمنلر گئوره،
گيير آدم قالىبىنا، اوزون بندە صىفات ائيلر.
جاھانى حؤكمونه آلار، شطرنجى او يونا سalar،
روخ و فرزىينى آلار، او نونلا كىش و مات ائيلر.
خواجمەليندە آساندىر او زاقى يا ووق ائيلەمك،
ساعتى مين ايلە باغلار، مين ايلى بير ساعات ائيلر.
كرملى بير كريمدىر، كېچىر داغجا گوناھلارдан،
او گونكۇ بير قوتلو گوننە نىچە قوللار آزاد ائيلر.
گيزلىن دىئن محمد□ او يون ايلە آشكار اولور،
او قائم (عج) محمد□ دير، نهانىن آشكار ائيلر.

- ۳۰ -

يارنلر يئىهنىز خاوند گاردىر،
نه عجب شرط و شون همراھى واردىر.

۱- باهادير: پهلوان، يل.

رسول الله □ دير اونون حبىبي،
 امير المؤمنين ◆ تك شيري وارد دير.
 حق نظر ائله ميش بو أوج كيمسيه،
 سيزين دئديكلري ينيزها بونلار دير،
 بيرى نين آدینى اخى او خور لار،
 بلى بير آدiele بنيامين يارد دير.
 بيرى نين آدینى داود او خور لار،
 ايسته گيلن نه كى كۈنلۈندە وارد دير.
 بيرى نين آدینى موسى او خور لار.
 أله آل قلمين ، دور واخت كارد دير.
 هر كىشى نين ئىيندە اولسا نقدى،
 ڭىرتىن گلن اونا تۆحىفە نارد دير.
 يارنلر يارسىز جىتنە وارانماز،
 جىتنىن آرزوسو هيھات ديدار دير.
 قوشچو او غلو جارلا طالىب اشىتىسىن،
 بو گلنە دوغرو اول، دوغرو يارد دير.

- ٣١ -

بىلىرم جملەنин غمخوارى يارد دير،
 بونىادىنى قويان خاوند گارد دير.
 يارنلر او مىدى سىنسن عزيزيم،
 يارنلر تانىين، تانرى ها يارد دير.
 بى خىرلر گلسىن بوجم اىچىنه،

بى گومان يوردوندا او توران ياردىر.

پير موسى، پير داود، پيريم بنيامين،

ابراهيم ائونىنه أوچو در كاردىر.

قوشچو او غلو قولدور سنين قاپوندا،

بوداغ باشدان باشا دولو قوللاردىر.

- ۳۲ -

اقرار اهلى بيزيم اقراريميزدىر،

اقرار، اخلاقىمىز، ايلقار ۱ يمىزدىر.

تحقيق ائيلەميشىك يقين بىلەرىك،

عزيز خاوندگار غمخواريميزدىر.

گلىرسن بو يولىلا، گولە - گولە گل،

ارنلر منزلى گولزاريميزدىر.

گئرچىك اولمايانا بره ۲ وئرمەيىن،

سېلىسىله باغلايىن حصاريمىزدىر.

سینە گفتارىندان كردار اىسترلى،

پادشاهين نوطقو كرداريميزدىر.

پادشاهين نوطقو شفادىر بىزە،

جمدن تكبير آلين تىماريميزدىر.

۱- ايلقار: عهد و پىمان.

۲- بره: يول، فاصىلە.

قوشچو اوغلو! سندن يئميش ايسترلر،
نه يئميش ايسترلر ده واريماز دير!

- ۳۳ -

يارين اركانى ياردان ائتمەمكدىر،
أليندن يارينى ترك ائتمەمكدىر.
الىندن يارين ترك ائدر اولورسان،
يقين بيل منليلە يئتمەمكدىر.
كيمين آحچاسى قلب، آل - وئرى پوچدور،
اونون سگەسى تسبىح ائتمەمكدىر.
أليندن گلدىكىجه ياخشىلىق ائيلە،
اونون درمانى تقصیر ائتمەمكدىر.
قوشچوغلو منزلى باشا وورماق چىن،
كۈنلۈندن يار سئو گىسى گىتىمىمكدىر.

- ۳۴ -

گللين سؤيليه ليم داستان يارنلر،
داستاندان آچىلىرى مستان يارنلر.
شهرزور خرمىندن پاي آلانلار،
آرييلار، دوغروolar راستان يارنلر.
سولطان باب عسيانىن بودور مىچەسى،
اونا وئرىلدى هيندستان يارنلر،
سید محمدىن بودور مىچەسى^۱،

۱ - مىچە: پاي، سهم، حصە.

وئريلميшиدير علمستان يارنلر.

سيد بولوفانين بودور ميچهسى،

اونا وئريليدى حرفستان يارتلىر،

سيد شهابالدين بودور ميچهسى،

وئريلميшиدير باد و باران يارنلر.

سيد حبيب شاهين بودور ميچهسى،

اونا وئريليدى بكرستان يارنلر.

سيد مصطفانين بودور ميچهسى،

اونا وئريليدى خوانستان يارنلر.

همده سيك ميرين بودور ميچهسى،

وئريلميшиش شام و توركىستان يارنلر.

ديلك ۱ ديله سن يئددىلدەن ديله ،

خاك اولوب دريندە شاهان يارنلر.

يار اويندار يار يولوندا باشىنى،

باشى توب، جسىدى مىيدان يارنلر.

قوشچو اوغلۇ ايچمىش خواجەدن قىدح،

۱- ديلك: آرزو، ايستك، تقاضا، تمنا.

اسره ميش منصور تك مستان يارنلر.

- ٣٥ -

يارنلر نيله ييم يار ياد اولوبدور،
گتجه - گوندوز ايشيم فرياد اولوبدور.
آلیب كؤنلوم ائوين وئرمز موراديم،
عاشيقلىك بندە يە بير آد اولوبدور.
ئتجە كى عاشيقدىر لىلى يە مجنون،
اٹله كى شيرينه فرهاد اولوبدور.
سنين عشقين منيم كؤنلوم ائويندە،
اوچا داغلار كىمى بونىاد اولوبدور.
دئيرىدين سئچرم حققى ناحقدن،
بس نە ايچون يارادان ياد اولوبدور؟
خوراسان صحراسيندا باج وئرنلر،
وارىيان باغدادا آزاد اولوبدور.
ازل اقرار وئرىب سونرا دانانىن،
ائتىيگى ايشلەك لر ١ برباد اولوبدور.
آغا جلاڭ كۈلگۈسى، چايلاڭ قىرغى،
چمنلر دوب - دولو شمشاد اولوبدور.

١- ايشليك: ايشلنميش، انجام، تاپميش.

قوشچو اوغلو جهادىت پىرە جانۋئىر، جان،
پىرينه جان وئرن اوستاد اولوبدور.

- ۳۶ -

ارنلر نورونا بىر ياز گلىيىدىر،
يارى يار ائيلين همراز گلىيىدىر.
يارين جمالىنى او خشاتدىم گولە،
بولبوللر آغلاشىب گول آز گلىيىدىر.
يوسيف صياد كىمى صياد اولاڭۇر،
اونون نورونادا شەباز گلىيىدىر.

محمد □ و على ♦ يولون واراندان،
كردار ايستەيرلر، دىيل آز گلىيىدىر.

قوشچو اوغلو دوكانىن معمور ائتمىش،
شوکور الحمد لله ساز گلىيىدىر.

- ۳۷ -

يارب ! منيم نىڭارىمىن حال و احوالى نىچەدىر،
اوzmanە مۇختىنىن ماھ اىلە سالى نىچەدىر؟
سن گۈرنىدە معمور ايدى، ايكى يىناغى ۱ نور ايدى،
زرده خزان اولمامىشدى، انگىنىن آلى نىچەدىر؟
منيم نىڭارىمىن أوزو بىدر اولونموش آيا بىزىر،

1- يىناق: ياناق، أوز، صورت.

سينه- سينه سانجيلا يديم بدر و هياللى نتجه دير؟
 دئيلر چوخ شيرين اولور عاشيقه معشوق صؤحبى،
 قانا- قانا أمشيديم دوداقلارين بالى نتجه دير؟
 دئيلر قوشچو اوغلونا قيلميش نيكارين تر كىنى،
 من بو رمزه عجب قالدىم، خلقين خيالى نتجه دير؟

- ٣٨ -

ارنلىين منزلى، دور ايله دراز اولور،
 يول ياريسيندا قالير هركيم كى غماز اولور.
 يالانچى نين سينه سى درين نئھە يە بنزه يېر.
 سوييو بولانلىق آخار، داليسى دا، دايياز اولور.
 اوش بو فقير خانه ده، ادب ياخشىدیر، ياخشى،
 بى ادبىن منزلى، او كوش ١ دگىل، آز اولور.
 قارانقو ٢ گىندى، ارنلر گۇرر اونو،
 أرنلىين گوز گوسو ٣ آچىقدىر آياز اولور.
 قوشچو اوغلۇ حق ايله يارلىق ائله بىر ائله،
 ايکى كۈنۈل بىر اولسا، حق گلىير نياز اولور.

- ٣٩ -

اى خواجه سيرر قولاملاڭ أوستومە هو ايله دور،
 ائيلمە حق تانيانى مخلوقون قاتىندا خور.

١- او كوش: چوخ، ختىلى، زىاد. ٢- قارانقو: قارانلىق. ٣- گوز گو: آينا.
 ٤- دوشگۇن: حيران.

دوشگونم، ۴ اور گی سینيق، سنسن رب العالمين،
 بو بىچاره عاشيقى نين رحم ائلە حالىنى سور.
 جفا ايلە آييردىلار منى گول اوزلو ياردان،
 ئاليم شاھلار زامانىندا منه چوخ زور اولدو زور.
 بونجا عاشيق گلدى، كىچدى بارچە بولدو وايه ۱ سينى،
 اولمادى هېچ بىر عاشيقين منجىلە يىن ۲ طالعى شور.
 ايلاھى سن يازانلارى قوشچو اوغلو پوزا بىلمز،
 كريم سنسن، رحيم سنسن رمزىتى خثيرينه يور.

- ۴۰ -

اينانمييان بيز ايلە يار د گىلدىر،
 يار او كىمسنه دير ، اغيار د گىلدىر.
 قارا او خور قارا خبر وئيرىلر،
 آغىن او خوماق كى اقرار د گىلدىر.
 ديوارى دوغرو بىلن سجدە قىلار،
 بيز دئيرىك أرن ديوار د گىلدىر.
 اونلار دوستاقيمىدير گىللر اىچىنده،
 أرن آزاد دير گيرفتار د گىلدىر.
 هر يارا يار دئمه قوشچونون اوغلو،
 سن بىلن سيردن خبردار د گىلدىر.

1- وايه: آغلاييش، ناله. 2- منجىلە يىن:

اوّل حق دئمیشم، آخریم حق یار،
کیم سنه ایکی باخدی، انتدی انکار.
یازیدا موردار اولان کر کسمیدیر؟
گؤرمەمیشم هر گیز یازیدا موردار.
نامرد نه حددی وار مئیدانا گیره،
مئیدانا گیرن مرد گندر سردار.
گلين لاف اتتیمیك بویول ایچینده،
ئنجه لافی باسییان او تدو کیردار.
قوشچو او غلو دردین عطارا سؤیله،
عطار دردین ببلجک، تئز ائیلر تیمار.

بو گون با بغداد شهری معمور او لوبدور،
چونکه شاه ابراهیم امیر او لوبدور.
مبارک قدیمیم بورا باسالى،

اولیالار بارچه پورنور او لوبدور.
ابراهیم حؤ کمونه بغداد ایچینده،
سلامینلر گلیبیدیر قول او لوبدور.

بىزدىن سىزە قالان دوسدوغرو ۱ يولدور،

آشىكارىن دئىيم : منشور اولوبدور.

آرادان شط آخار برج و باروسو،

سراسى اىچىنه خوبىلار دولوبدور.

- ٤٣ -

خدا آيدىر: «مجلىسلرىن اىچىندە»

أرنلر سينەسى منىم يئرىمدىر.»

حقىقت نَفَسِى وار قولاغىمدا،

دوروبدور، گۇوهرىمىدىر، ھم زرىمىدىر.

شريعت آغاچىن سانجدىم جهانا،

پرىمىدىر، كمانىمىدىر، شمشىرىمىدىر.

دئونمم، دئونەسى دگىلىم يارنلر،

[بىر] سىد ابراهىم منىم پيرىمىدىر.

خدانىن تقدىرى اولماز تغىير،

بندەيم ياشايسىشىم تقدىرىمىدىر.

فاتحە دىر بىزىم گئرچك دوعامىز،

الله اكىر، اوّل تكبيرىمىدىر.

نېيە غمگىن اولدون قوشچونون اوغلو،

1- دوسدوغرو: لاپ دوز، دوزدوغرو.

عالملر يئيهسى منىم ميريمدىر.

- ٤٤ -

ابراهيم ملتى، ابن آدمم،
محمد □ حبيسم، على ◆ وليمدىر.
عشقيم آيدىر: «آتش مندن اولوبدور»،
نفسىم آيدىر: «باران منىم سئيليمدىر!»
من ايستردىم حققى پنهان قىلايم،
حققى فاش ائيلين سۈرلەر ديليمدىر.
بونجا سلاطين گلدىلەر دونيايا،
سنин آدین حلە ابن سليمدىر!

- ٤٥ -

يارا! حاسيد زاهيده محبوب اولان بىگانهدىر،
لافينا وئرمە قولاق، هر نە دئسە افسانهدىر.
يارلىغىن رمزىن كى يىلمز، حققە دە چاتمازالى،
يوخ كىتابى يوخ ايمانى، منزلى بوتخانهدىر.
يارلىغىن ألدە قايىم توت، بىر تو كنمز گنجدىر،
مولك و مالا غرە لىمە كىم سونو ويرانهدىر.
اولما غافىل، ساتما يارىن بد صىفت منكىلرە،
 Zahideh Hamedmulan Uyghur Calligraphy
زاهيده همدم اولان عاقيل دىگىل، ديوانهدىر،
عقل و هوشون جمع ائله، يېغ باشىوا گڭرچىكلرى،
بىلەنى كىردارا باغلا، يار ائوى جمخانهدىر.
چك يارىنин درد و غمىن، گل اوナ همراز اول،

یوخ و فاسى بو جهانين، گئر نتجه غمخانه دير.
يارى نين بيل قدرىنى، دور آرى، گل، آرى او تور،
سيرر حققى او بىلىر، چون سينهسى سيرخانه دير.
حققىنى يېر حق بىلن اۋز يارينا عاشيق اولور،
نتجه شمعده يانماغا عاشيقلىكە پروانه دير.
قوشچو اوغلۇ! دور آياغا يار ايله گئفتارا گل،
لهجهسى طوطى يە بنزىر، سۆزلرى حقانه دير.

- ٤٦ -

بىزه ياردان آيرى آواره دئرلر،
جيڭرىم شرحە - شرحە پاره دئرلر.

نه حكيم درديمه قىلاجاق دوا،
نه كۈنلۈمون دردېنى ياره دئرلر.

افغان و زارىمى كىمسە اشىتىمز،
فقيرە، خستە دل، بىچارە دئرلر.

اوzaق يوللارىمى گىتدىن ياخينا،
دولدور قدحى وئر خمارە دئرلر.

قوشچو اوغلۇ ايستر سن يارا مرھم،
يىنە دە اۋز يارىندان چارە دئرلر.

- ٤٧ -

گلىن، دردېمىزە درمان گلىيىدىر،
منىم باغرىم مىن بىر يېردىن دلىكىدیر.
دىلەمم دردېمىزە يارسىز دوانى ،

يورغون او تورما، دور، آزاده لىكدىر.

دىلەمم اۇلۇمۇ، قىران اۇلۇمدۇر،

بقاى جاویدان‌ها زىنده لىكدىر.

كىيم پىير اولدو، بالله او نا زور اولدو،

بوتون نوجوانلىق طرفندە لىكدىر.

گئچە - گۈندۈز او خور خواجمۇ وصفىنى،

خواجمۇ وصفىن دئمك گويندە لىكدىر.¹

قوشچۇ او غلو خان احمدىن كۆنلۈندىن،

كىسيلمىز جامە، ها، گىردىنە لىكدىر.²

- ٤٨ -

آشناارىن خدا سىنداڭ عالملەر احتىاط ئىيلر،

هر كىيم دوتا سلامتىدىر، يقين و اعتقاد ئىيلر.

فورقان يالان دَگىل بالله، بحق اول كلام الله،

محمد ﷺ رسول الله، عالمىدە معجزات ئىيلر.

فورقان يالان دَگىل، حاقدىر، عالملەر او نا مىشاقدىر،

مېنیندىن بىرى گوستاخدىر، يار او دور موناجات ئىيلر.

دوروب بو تخانى يە وارسام، واروب مئىخانى يە گىسىم،

شراب ايچىپ توحيد قىلىسام دئىرلەركى حاجات ئىيلر.

بونلار بىزىم دىنى يىلمىز، بومحرابا سجدە قىلماز،

1- گويندە لىك: شاعيرلىك، الاھى شعرلى يازماق. 2- گىردىنە لىك: دون با دونلوق، تناسخ،

روحون باشقا بىنە قايىتماسى.

بونلار بىزىم يولا گلمز، غربىيە احتياط ائيلر.
 او سولطانين حؤكمو ايله، او نون دست قدر تىله ،
 بير أليله رحمت وئرر، بير أللە سياسات ائيلر.
 كيم كى گله بو عصرده باشلا قالا وفاسيندا،
 يئنى اولموش آناسىندا، يئنى دن عينايات ائيلر.
 پير موسادىر قلم يازار، منكى اولان يولدان آزار،
 بنىامين دون با دون ۱ گزر ، عيسا تك كرامات ائيلر.
 قوشچو اوغلۇ خداسىندا، يقين و اعتقاد يندان،
 ليل و نهار ايشى بودور باش آچىب موناجات ائيلر.

- ۴۹ -

مەممەد □ ائويىندن بير جار گلىيدىر،
 او مىدوارلارا خبار گلىيدىر.
 جار چىلار چاغىرىر موژىدە موژىدە،
 مىگر كە ايوب حشّار گلىيدىر.
 مغربىدىن مشرقه حؤكمو يېرىسىر،
 پوشىدەسى آنин هزار گلىيدىر.
 شەزادەلىك متزلىيدىر پېرىمىز،
 بو يارلىق يار ايچون در كار گلىيدىر.
 بو شىرىين دونىادىر، آلدانما ، زنهار!
 مولكە مالا حقدن زنهار گلىيدىر.
 قوشچوغلو گوناھين عرض ائيلە جمه،

1- دون با دون: اصطلاحى در مذاهب تناسخىيە در معنai گرددش ارواح در اجساد گونه گون.

عئىپلر اۇرتوجوسو، ۱ يار گلىپىدىر.

- ۵۰ -

من بىر لىال ستّارام، منى نهاره چكدىلر،
سېلىدلىر كۆكسوم ياراسىن، آيدىن دىداره چكدىلر.
باغلادىلار باغلانماديم، ساخلا دىلار، ساخلا نماديم،
قىزمىش اسرەميش نركىمى، منى قطاره چكدىلر.
هر زامان اخى - يارلاردان آخر ديوانه گىردىم،
گىردىم «عىسى» ۲◆ نين دونونا ۳پوستومو پاره چكدىلر.
بىر زاماندا «سید» ۴ اولوب، واردىم حلب، شاما سارى،
بىر زاماندا «منصور» ۳ ايدىم باخداددا داره چكدىلر.
من حق ايله بىر ايدىم، قندىل اىچىنده سير ايدىم،
بو زاماندا منى جىلدە هزار باره چكدىلر.
او زاماندان بو زامانا دون بادون گزىب گلمىشىم،
دئدىلر كى گل خبر وئر، منى خباره چكدىلر.

- ۵۱ -

هر أوزومە باخان آيدىر: ۴ انگىتىن زرداسى وار،
دئىيرم: ناشى خلايق! گۈزۈنۈزۈن پرداسى وار.
حق جمالىن او كىس گۇرر، كىم گۈزگۈسو آرى اولا،

۱- اۇرتوجو: ستّار، اۇرتىن و گىزىلەدن. ۲- حضرت عيسىيا اشارەدىر.

۳- دون: جامە، لىباس، جسد. ۴- سيد عماد الدين نسيمي يە اشارەدىر.

۵- سارى: طرف.

۶- منصور حلاجخا اشارەدىر. ۷- آيماق: دىمك، اىضاح اتىشك.

قارانليق ائوه بير باخين كى كؤكسونوزدور، پاسىوار.
 حاجيلار حجيـن يولوندا چاغريـشـارـلـارـ، ١ـ بـارـيـشـالـارـ،
 يـالـيـزـ بوـ يـوـلاـ وـارـماـيـينـ، چـؤـلوـ وـارـ، بـارـگـاـسـىـ وـارـ.
 يـارـنـلـرـيمـ اوـمـيدـوـارـدـيرـ بوـ حـقـيقـتـيـنـ رـمـزـيـنـهـ،
 خـلـاـيـقـ پـايـينـ آـلمـيـشـدـيرـ، بوـ اوـلـوـشـداـ دـانـاـسـىـ وـارـ.
 ايـ فـقـيهـ گـرـ يـوزـ منـاجـاتـ اـئـلـهـ سـنـ حـقـ درـ گـاهـيـناـ،
 حاجـتـيـنـ قـبـولـ دـگـيلـدـيرـ، چـونـ کـوـنـلـونـونـ وـسـوـاسـىـ وـارـ.
 بـيرـ درـيـادـاـ مـينـ گـمـينـيـ گـورـمـكـ سـنهـ عـجـبـ دـگـيلـ،
 گـمـينـيـ گـورـ گـوشـهـ سـيـنـدـهـ يـوزـمـينـ دـنـيـزـ -ـ درـيـاسـىـ وـارـ.
 دـئـدـيـلـرـ قـوـشـچـوـ اوـغـلـوـنـاـ کـيمـسـهـ سـيـزـدـيرـ، کـيمـسـهـ سـىـ يـوخـ،
 نـشـجـهـ کـيمـسـهـ سـيـزـ اوـلـورـاـ اوـ؟ـ عـلـىـ ♦ـ کـيمـىـ آـقـاسـىـ وـارـ!

- ٥٢ -

شـاهـ جـهـانـ نـظـرـ قـيـلـساـ منـيمـ آـهـ اـيلـهـ زـاريـمـ وـارـ.
 اوـزـ دـوـتـوبـ درـ گـاهـاـ وـارـسـامـ يـئـروـ گـؤـيـجهـ گـوـنـاهـيـمـ وـارـ،
 تـانـيـدـيـمـ سـنـ خـداـونـدـيـ، عـالـمـلـرـدـ بـيـغـمـ اوـلـدـومـ،
 غـمـيـنـ وـ غـمـگـيـنـ دـگـيلـ، سـنـينـ کـيمـىـ پـناـهـيـمـ وـارـ.
 سـوـلـطـانـ کـرـمـلـىـ بـگـيـمـدـىـ، عـالـمـىـ يـارـاـ بـخـشـ اـئـتـدىـ،
 بـيـزـ اـمـيدـوـارـلـيـقـ اـهـلىـ يـيـكـ، خـواـجـهـ مـدنـ بوـ طـاماـهـيـمـ ٢ـ وـارـ.

١ـ چـاغـرـيـشـ: دـعـوتـ.

٢ـ طـاماـهـ: طـمعـ. ٣ـ رـاحـيـمـ: رـحـمـ، مـرـوـتـ.

خواجهم سندن قاچا بیلمز، نشانلى - دامغالى قوللار،
خانهزاد قولونام بالله چندین هزار گواهيم وار.
قوشچوغلونا اوميد اولما، اميدينى حققه باغلا ،
مينىنى بير قولاباغيشلار، خواجمده بئله راحيم ۲ وار .

- ۵۳ -

هاوارا تزريشتن سواريميزوار،
تحقيق ايلهميشيك چون يارييميز وار.
بيزى ييكس بيليب قصده گلنلر!
مغريدن مشرقه هاواريميز وار.
بيزه آسمان گلر پرپيچ قلعه‌لر،
فولاددان پرچيندن حصاريميز وار.
هر ساريدان بيزلره آج دئينلر،
بيزيم بير توکنمز آنباريميز وار.
بو يولا گليرسن ادب ايله گل،
بي ادب گلنە ميسماريميز وار.

دوخسان مين كلمه دئميشدى محّمد □،
بيزيم او توز ميندن خباريميز ۱ وار.
قوشچو اوغلۇ قورشان حققه، بقادير،
آمان خواجهم گوناهكار سارييميز وار.

١- خبار: خبر.

گلین، گلین، ای یارنلر، منه سیرخانه وئردیلر،
عشقیمه عاغلیمی وئریب، قالییده جانه وئردیلر.
کافیرلر امام حسینی ♦ مظلومجا ائتدیلر شهید،
او يزیدین قومى اۆزىزلىنى زيانه وئردیلر.
باغداد شهرىنى ده بير گون وئردیلر شاه ابراهيمە،
ئنجە کى مصر شەھرىنى يوسيف كىنانە وئردیلر.
ظلماتدا آب حياتدان خىضر اىچىن اولدو دىرى،
صىرى اىوبا، حؤكمودە شاه سۈلەيمانە وئردیلر.
حضرت نوح زامانىندا دين فسادا اوغرامىشدى،
اونون اىچۇن نوح قۇومونو سئلە طوفانە وئردیلر.
جملەسى پىغمېرلە بىر نئچە مىچە وئريلدى،
سفرەلرى سالماگى دا خليل رحمانە وئردیلر.
انجىل عيسىا ياخىدا گىلدى، تورات موسىا يىئندى،
زبورى حضرت داود خوش الحانە وئردیلر.
گۈيدن جېرىئىل گىتىرىدى يېر أوزونە قىزىل آلمَا،
اول سېبدن دئىد بىر زادى شاه مردانە وئردیلر.
قوشلار يىغىلەپ گىلدىلر، ھامىسى مولا يانينا،
سيمرغە قاف داغىنى بايقويا ويرانە وئردیلر.
قوشچو اوغلو سن قطىرە اول عمانە يىتىش،
ھر يئىدە بىر قطىرەوار درىيائى عمانە وئردىلر.

هر کیمین عشقی وار، گزرا تو رماز،
 کؤنول ارباب اولوب مینت گئو رماز.
 هر کیم يولا گلیر صیدق ایله گلیر،
 اۇزو گلیر، او نو کیمسه گتىرمىز.
 يو كوم دورلو قوماش، ۱ محبوبوم ياردىر،
 قوماش يارلىقدىر ۲ ائز گىھ ساتىلماز.
 پىرىن نه يولدادىر، سن ده او يولدا،
 قاطاردان أوزولن قاطارا چاتماز.
 قوشچو او غلو جهد ائله پىرە يېتىش،
 پىرە يېتىشىمە يىن حققە يېتىشمىز.

- ۵۶ -

آخر زامان اولار يار يارا با خماز،
 کؤنول ارباب اولار كوفرون بورا خماز.
 بىزيم آھىمىز دان تو تو شار داغلار،
 قورو يار چشمەلر، چايلا داي آخماز.
 بازار كاساد اولار، گئو وەر آلان يوخ،
 او نونچىن صرائف لار گئو وەر با خماز.
 سايرى ۱ صيدق ایله طبىيە وار ماسا،

۱- قوماش: پارچا. ۲- يارلىق: يارا عائىد اولان.

هر نئيله سه ساير يليقدان ساغالماز،
جاهان كافير اولوب بيل قوشچو اوغلو،
ميندن بيريسى ده اقرارا باخمار.

- ٥٧ -

دونيا يا گلن کار جاهاندان اوته بيلمز،
هئچ كيمسه بو نفس ياماندان ٢ اوته بيلمز.
دونيا دئديگين بير قاراجا چاليه بتزر،
كيمسه کي ايليشه داها اوندان اوته بيلمز.
پروانهنى گور شمعه نه مستانه دولانير،
نادان ساغينير ٢ پروانا جاندان اوته بيلمز!
يوزمين حاجى دوه يه مينيب حجه واري لار،
ميندن بيريسى آستاناسيندان اوته بيلمز.
عاشيقسن اگر قالما جانا گل قوشچو اوغلو،
منزل كسر اول كيمسه کي جاندان اوته بيلمز؟

- ٥٨ -

يار گلمسه بو غملى كئنول شاد اولا بيلمز،
يار اولماساگر، داد ايله بيداد اولا بيلمиз.

١- سايرى: مريض، خسته.

٢- يامان: پيس، اماره. ٣- ساغينماق: ظن اتمك، خيالا دوشىك.

اولوش او دور بولوشما قالۇبلى ايله،
قالۇبلى ايله بولوشان ياد او لا بىلمز.

قوللوق ائله يين قوشلارا تورآتانا بىززە،
شەباز توروندا دوشىمىسى صىاد او لا بىلمز.

ھر كىمىسى كى اصلى - نسبى ياد دىكىلىدیر،
ازىزىدە قىامت قوپا، اول ياد او لا بىلمز.

شاھ و عەدىنىيە اىرن ۱ اولور قوللارى باغلى،
دوست و عەدىنىيە اىرمە يىن آزاد او لا بىلمز.

ھر عاشيقە ئۆز سئوگىلىسى شىرىن اولا رسما،
ھر داغ يارانىن ناخىشى فرھاد او لا بىلمز.

باڭداددان ئۆزگە شەھرى سئومە قوشچوغلو،
يوز حوسن و صفا گىلسەدە باڭدادا او لا بىلمز.

- ۵۹ -

ازىزىدەن كان - مکان او لمادىم هنوز،
آدم صورت انسان او لمادىم هنوز.

دونيا سئودى من او نا موجود دئيم،
گۈيىدە يېرده مىزان او لمادىم هنوز.

نورايدىم، سيرايدىم قىدىل اىچىنده،
فلکىدە گون روshan او لمادىم هنوز.

۱- اىرن: واصل.

قنديلده ظولمته سئiran ائدرديم،
خيسـر ايچون جاوـيدان اوـلمـادـيم هـنـوزـ.
دـؤـردـ كـيـتابـ معـناـسـينـ اـزـبـرـمـ،ـ زـبـورـ،ـ
انـجـيلـ،ـ تـورـاتـ،ـ فـورـقـانـ اوـلمـادـيمـ هـنـوزـ.
ابـدـالـمـالـيـكـمـ بـوـ مـوـلـكـ ايـچـينـدـهـ،ـ
قبـيلـهـ،ـ مـيـنـبـرـ،ـ مـيـزانـ اوـلمـادـيمـ هـنـوزـ.
حوـسـنـونـهـ ماـيـيلـمـ،ـ مـوـلـكـونـهـ شـريـكـ،ـ
يوـسيـفـ كـيـميـ سـوـلـطـانـ اوـلمـادـيمـ هـنـوزـ،ـ
منـ قـوشـچـوـ اوـغـلوـيـامـ گـلـدـيمـ جـاهـاـنـ،ـ
عـشـقـدـنـ اـسـرـوـكـ مـسـتـانـ اوـلمـادـيمـ هـنـوزـ.

- ٦٠ -

يارـنـلـيـمـ گـلـيـنـ گـئـرونـ،ـ بـيـزـ گـرمـيانـدانـ گـلـيرـيزـ،ـ
صـوـفـيلـرـيزـ،ـ غـازـيلـرـيزـ،ـ كـعبـهـ يـمانـدانـ گـلـيرـيزـ.
شـهـرـ باـغـدادـدانـ گـلـيرـيزـ،ـ سـمـتـ تـبرـيزـهـ وـارـيرـيزـ،ـ
بـيـزـ دـؤـيـوبـ دـوـلاـشـماـيـينـ،ـ اـئـلـچـيـگـيـزـ خـانـدانـ گـلـيرـيزـ.
وـعـدـهـ وـئـيـلنـ جـنتـيـنـ بـيـزـ گـئـرـموـشـوـكـ هـامـيـسـيـنـيـ،ـ
قـيلـ كـئـرـپـونـوـدـهـ كـئـچـمـيـشـيـكـ بـيـزـ اوـديـارـدانـ گـلـيرـيزـ.
مـيـزانـ -ـ تـراـزوـ قـورـدوـلـارـ،ـ حـقـقـىـ نـاحـقـدـنـ سـئـچـمـگـهـ،ـ
بـيـزـ سـيـزـ نـاحـقـ دـئـمـهـيـنـ،ـ بـيـزـ حـقـ دـيـوانـدانـ گـلـيرـيزـ.
حـاجـيـلـارـيزـ ،ـ قـاضـيـلـارـيزـ،ـ طـالـحـلـرـيزـ،ـ صـالـحـلـرـيزـ،ـ
بـيـزـ دـگـيـبـ دـوـلاـشـماـيـينـ،ـ بـيـزـ اوـلوـ خـانـدانـ گـلـيرـيزـ.

اوش بو خلف زمانه ده کیمسه کی ایманا وارسا،
گلسين صفا قیلسین بیزه کعبه - ایماندان گلیریز.
یقینسیزلم، بیلی ۱ سیزلر، تانیماز قوشچو اوغلونو،
بیلی ایله گلن گوره ر گؤوه ر کاندان گلیریز.

- ۶۱ -

واردیم باگداد شه هرینه، واى نه عجب دیار ایمیش،
دوکان چرخ مُعلادا ایچی دولو خوبلا ر ایمیش.
بیر یئرینده سووزى - سوغان، بیر یئرینده پیشمیش نعمت،
رنگارنگ نعمت، يارنلر! سوفره سی زروتار ایمیش.
بازاریندا ساتیلیردی دورلو - دورلو میوه، يئمیش،
دوکانین او زون بزهین هئیوالار ایله نار ایمیش.
کیم کی الینده وار نقدی، آلیر دادلى نعمتیندن .
کیم کی الینده یوخ نقدی او جاناندان بئزار ایمیش.
یشتمیش ایکی ملت آهای گلیب دولو بلار باگدادا،
کیمیسی حققین تانیمیش کیمیسی ده کفار ایمیش.
باگداد دئدیگین جنتدیر هم تاپو ۱ دورهم دامو ۲ دور،

۱- بیلی: علم، اطلاع.

کیمینه جنت رضوان، کیمسه یه ده قهار ایمیش.
 «باغداد منیمدیر» دئینلر، دئمه بین باغداد منیمدیر،
 باغداد مولکو ابراهیمین، اوردا او شاه سردار ایمیش.
 پادشاهین بیر باغی وار، آدی روپه النعیم دیر،
 گولو تیکاندان بئجریر دولو سویو آخار ایمیش.
 قوشچو او غلو خواجه سیندن یالنیز اوج نسنه دیله دی،
 ارزل ساغلیق، سونرا نعمت، آرزوسودا دیدار ایمیش.
 - ٦٢ -

یار یارдан آیری دوشنده هر ساعتی بیر ایل ایمیش،
 جاهانین عاغلى آزمیشدیر، دونیا دولو غافیل ایمیش.
 غافیللری او تموش ایدیک بیز سیز لری تانیالی،
 شوکور کی سیزی تانیدیق، اونلار دئین دگیل ایمیش.
 ایچدیلر هم ایچیر تدیلر جوشلانان پیر کلامینی،
 پیر حرفینی بیلن آنلار، هر حرفی مین دلیل ایمیش.
 گیردیم آدم قالیبینا سؤیلشدیم یارنلر ایله،
 دوپدولو موجود اگلشمیش بلی نیقابی گیل ایمیش.
 کیمسه که غئیتیز ائیلر، چوخ - چوخ وبالیزی یووار،
 یارنلرین صابیلاری ٢ خلقین آغزیندا دیل ایمیش.

١- تاپو: جَتْ، بهشت، احترام، عبادت. ٢- دامو: جهنم، دوزخ.

١- صابی: سُؤز، کلام، حرف.

طائيفه‌نین اۆز قوشوندان آيرى منيم قوشوم قونماز،
خلاييق اهلىندن ايسته، طائيفه اهل دل ايمىش.
او زاماندا سوفره سالان ابراهيم خليل ايدى،
بو زامانين يارنلىرى، هر بىرى بير خليل ايمىش.
يئر ايله گوئيون يئيه‌سى بلى بىنامىن خواجه‌سى،
اون سككىز مين عالم سىسى، بو خواجه يە سائىل ايمىش.
قوشچو اوغلو حقىقىتىن سىررىن آچىپ خلق قاتىندا،
اونلار بىلى اهل دگىل، قوم ابو جهيل ايمىش!

- ٦٤ -

گئرچىك عاشيق اۆز يارى نين عئينىنده دير بيدارلىق،
چونكى بيدارلىق سندىدир، هم سندە واردىر يارلىق.
يا حقدىر، بىز ازىزلىق اقرار يارا وئرمىشىك،
قاولوموزا گلېيدىر هم شائىمىزە اقرارلىق.
سۈز وئرييسىن، سۈزە گل، گل، سۈزۈن أوستە غnim اول، اول،
بىر كىرزى گل بىر لوطف ائيله، ترک ائىلمە ديدارلىق.
شىطى سرتخت ائيلين سولطان سنسن بى گومان،
مات ائيلر جملە جاھانى، شاهىم ائدر سردارلىق.
ايكلرسىز، اوچلرسىنiz، يئددىلرسىز، قىرخلا尔斯ىنiz،
شائىزدە دير سىزىن بالله حؤكم خاوند گارلىق.

1- كىرزى: دفعە.

بير گون دوغا، بير گون دوغا، اولمويا اوونون آخشامي،
 نه داهى بير او لمك او لا، نه داهى بير بيدارلىق!
 او تورو بسان جم أىچيندە پېرسانا يوز حكمت ايلن،
 يارنلر سندن او تورو چىكىرلر انتظارلىق.
 يار ايلن يار آراسىندا حؤكم اولماسادا غم دىگىل،
 آزارلىق اولسادا، داهى اولمايا هېچ بىزازارلىق.
 دىدەمین بىنهسى سىنسن، ھم دىنەم ھم ايمانىمسان،
 قوشچو اوغلۇنۇن نۇطقۇنە سن وئىرىسن گۇفتارلىق.

- ٦٤ -

خبر اولسوون سولطانيه، صاباح سنه خان گله جك،
 شاداولسوون آرزو چىكىلر، گولزارا جانان گله جك!
 دئورد طرفدن اولار ساواش، يېغىلار لىشكىر جېش،
 سو يېرىنە آپارىب باش، قان ايله توفان گله جك!
 زنگاندا يېغىلىن سانا، تاماشا قىلىن توفانا،
 پناه گتىرينى جانانا، بير حىدر جان گله جك.
 قورولار تخت عاليشانى، بىلينمىز لىشكىرىن سانى،
 قىرارلار سولطاني - خانى، بير بىللە توفان گله جك.
 قوشچوغلو محمد □ ئى تانى، حق بىلير ياخشى - يامانى،
 قورولور مهدى(عج) ديوانى، بير عادل ديوان گله جك.

- ٦٥ -

اليف اول يول اىچىننده، اولماغىل دال،
 اليفين معنى سين بىل، معنيه دال.

حقيقةين سؤزونه گئرچك اينان،
 زونار آچ بئليندن آرايا سال!
 زونار دونياليقدر، خرج ائيله گئورى،^۱
 اۋزوچون احسان قازان قىلما و بال.
 دونيا شيرين ايميش دادين آلانا،
 نىجە كى قىنده شىركىزىپ، زنبوردا بال.
 سينەمدن ايچەنە آب حياتام،
 ايچەمەنە آغى^۲ يام، آب ژڭال.^۲
 فورصت ئىلدە اىكىن كېچىرمە زنهار،
 زامانا كىمسە يە وئرمەدى معجال.
 قوشچو اوغلو ايستر سن وار اولاسان،
 باشىنى كىن گيلن آياغينا سال!

- ۶۶ -

قالميشام تىكان ايچىندە سنه يارام، سن اۋزوچون بىل!
 سالما رحمت نظرىندن، اوميدوارام، سن اۋزوچون بىل.
 منىم سنه يالوارماغىم گئجه بىتمز، گوندوز بىتمز،
 كرم ائيلە كرم كانى، گونھكارام، سن اۋزوچون بىل.
 وئر بنىامىنин ألىنە رحمتى نىن جىلۇونو،

۱- گئورىمك: داغىتماق، محو اتىمك.

۲- آغى: سەم، زەر. ۲- ژڭال:

رواج اولسون يار ائوي سيکكه دينارام، سن اوزون بيل .
 واخت - وعدهنى تمام ائيله، گۇتور آرادان پردهنى ،
 كرم ائيله گل مىيدانا، شەسوارام، سن اوزون بيل .
 قوشچو اوغلۇ يالوارىر دئىير وئرين يارين مورادىنى ،
 شوكلو^۱ آدين شاباشينا خاوند گارام، سن اوزون بيل .

- ۶۷ -

لىياتدا يارا اوغراديم، جاهان خوررم اولدو، گل ،
 يئر اوزونون لالەلرى رنگ نىشان اولدو، گل .
 «گلرم» دئىين، گۈزۈم يولونو گۈزلەدى، گلمەدىن ،
 يوللاريو باخا - باخا گۈزلەيم قان اولدو، گل .
 اوندا كى يار بوردا ايدي، غملى خاطير خوررم ايدي ،
 ياريم بورادان گىندلى، كۆكسوم ۲ ده شان - شان اولدو، گل .
 وطن تر كين ائتمە گىلين، يار وفاداريم منيم ،
 يارين سئира نگاه يئرلرى بىزە گولوستان اولدو ، گل .
 زامانهنى سويوق گۈرۈب، تر ك ائتمە قوشچو اوغلۇنو ،
 گىندهر بوسويوق زمهرير، ايندى گرميان اولدو، گل !

۱- شوكلو: عزّتلى، شوكتلى.

- كۆكس: سينه.

بىلەنمز ياردان آيرى، واردىر چارەن، ائىلە كۈنول،
همىشە يارخىالىلن گل كىردارين ائىلە، كۈنول!
دونياداسن هېچ اولارسان اولماسامشىرىن سىنىن،
اۋزون آرپايا سات گلسە خىردارين، ائىلە، كۈنول!
دېلە كىمسە كى اينانماز، سونۇ هېچ يو خدور بودىلىن،
قوربان اول يارىن يولونا جان نىثارىن ائىلە، كۈنول!
ياردان غىرى سالما يادا هېچ نىي بوستان ائىلمە،
اوتور اۋزون دو كانىندا سن بازارين ائىلە، كۈنول!
قوشىجو اوغلو اۋزون دؤشىن ياربويىن خاڭ درىنه،
ارنلر نىستىلىكدىن بىلدى، بوراخ عارىن ائىلە، كۈنول.

فرمان ايلە وارىر اولسا، پىيغامىن يېتىشىر دە گىل،
آلانا وئر گل سلامى، اوnda بىلەن دە گىل.
سورسالار كى درويشلىرىن حالى - احوالى نىچە دىر،
حالى شىكردىر، واختى خوش، دىدارى گۇرمۇشدور، دە گىل.
گىچە - گۈندوز اگلىنىيدىر كونچ خلوتىدە ساز ايلە،
زاھىدىن كارخاناسىنى آرادان بىغمىشىدیر دە گىل.
خىدمتىن يارانا ائىلە، دىبىم وار كوى دوستا،
خانەسىنى جانە قىان اول كىمسە قلاشدىر دە گىل.
دئسەلر كى قوشىجو اوغلو واخت اولمامىشىدیر گلمگە،
طائيفە راضىلىق وئرمىش، حالا اگلىشمىشىدیر دە گىل.

بودونیادا من بیر آد ائده بیللم،
بو غملی کؤنلومو شاد ائده بیللم.
نه تسبیحیم واردیر، نه ده سجاده،
مسجدیده واریب طاعات ائده بیللم.
نه گوناهیم واردیر حضرت قاتیندا،
أُمته کیچیک خیدمات ائده بیللم.
بودور مدام خوبلا روصفین او خورام،
آیری یئنى عبادات ائده بیللم.
جمع ایچیندە منه دئرلر «اھل حق»،
بوردا کار شریعات ائده بیللم.

قوشچوغلو نو حق سالمیش ضلالته،
من حقدن کیمسیه داد ائده بیللم.

سحرى صوبىدم غمزانه گلدىم،
خفدادايديم ايندى اويانه ۱ گلدىم.

۱- اويان Oyan: اوياق (فاعلى صفتدير).

اودم بى جان ايديم، گيل ايدي گئوودهم،
 شوکور الحمد لله جانه گلديم.
 مبارك جمالين گئوردوم، شاد اولدوم،
 خورشيد خاور كيمى خورمانه گلديم.
 كيم ايله گلچيگين سويينديم، اوتدوم،
 كيم ايله ڈر ساتديم دوكانه گلديم.
 خنجرى چكرسن، بويون سونارام، ۱
 باشيم دوتدورمانام فرمانه گلديم.
 ابراهيم باغى نين بير آغاچيام،
 دورلو چيچكىرله بارانه گلديم.
 يارنلر گوزله بير بايرام گونونو،
 شادليقلا چالينان سئرانه گلديم.
 واجبيدير قوشچو اوغلۇ شوکران وئرمك،
 يارنلر يئنه ده شو كرانه گلديم.

- ۷۲ -

از زلدن آخيرا وaram كه وارام،
 تحقيق ايلينه خاوند گارام.
 اخي جبرائيلم، باران خاصام،
 ارنلر تانيان بنiamين يارام.

۱- سونماق: تقديم ائتمك، نيشار ائتمك.

اویاق گوهر منی من گئوره م اونو،
یاتمارام بیر لحظه، دائم بیدارام.
نفس منم، منی نفسدن ایسته،
وئیب آلان ایله اول خریدارام.
دیل اولوب سؤیلرم آغیز ایچینده،
گیزلى دگیلم من کی آشیکارام.
گھی موسی، گھی عیسی روح الله،
قیرخلا ر مجلسیسینده هم علی ♦ یارام.
گھی نو حام، گھی خضرم، گھی یار،
گھی منصور کیمی من پای دارام.
گھی یعقوب کیمی آغلارام زار - زار،
گھی ایوب کیمی هم صبیر وارام.
نمود ابراهیمی آتاندا نارا،
خلیله گولزار او لان من او نارام.
گزرم اون سگگیز مین عالم اوسته،
وطنیم یارین کؤنلودور، قونارام.
قوشچوغلو نون سؤزونو کوفر سانما،
جانلا بیرم، دون ایله صدهزارام.

بىلنلر بىلدىلر من نه گتىرىدىم،
 يو كوم گۇوھر، قابى تىنە گتىرىدىم.
 كيم اولدو دئىيىن اول بى زوالى،
 تانرى اولو دگىل، زندە گتىرىدىم.
 اوزونو گىزلىتىن ائلدن، ياشىنى،
 ايزىنى ايزله يىب جمده گتىرىدىم.
 ارنلر تانرىنى جمده گۇروبلر،
 سىزدە اىستەسەنېز من د گتىرىدىم.
 بولبوله آچىلدى جوملە گولوستان،
 ايگله يىب بو گولو خنە گتىرىدىم.
 أرن دئىيىگىن گىرچىك أرنلرە،
 پىرە - پىرە، دوندا - دوندا گتىرىدىم.
 قوشچوغلو نفسىينىن آلين يارلىق،
 اوزۇم قولام جمە بىنە گتىرىدىم.

- ٧٤ -

مسلمانلار! مسلمانلار! من نه عجب مسلمانام!
 خلايىقلار طعنه وورار، مىگرى يولومدا نۇقصانام!
 كافير وار، ائرمنى، جەھود، بو تلارينا ائيلر سجود،
 منيم دە سجدهم حققەدىر، اول سىبىدن مسلمانام.
 تىسىبىحى ئىيمە آلسام، سجادە چىكىنىمە سالسام،
 اوز قويوب مسجىدە وارسام، دئىرلر اهل قرآنام.

شريعته وارد اولسام، قارينجا ۱ يول ديلر مندن،
 طريقيته وارد اولسام، دئيرلر بس سؤلئيمانام،
 شريعته وارد اولدوم، طريقتده يولى بولدور.
 حقيقىت بحرىنه دالدىم نصير آلى عمرانام،
 شريعتى، طريقتى، او خوردوم فورقانلا بىلە،
 حقيقىتى او خوييانىن ديليندە اولان بورهانام.
 ايلاھى بيرليك حقيقىنه، گل اۋزۇن بير كرم أوسىتە،
 بى دىنلىرى دىنە گتىر، من اۋزۇم بندە فرمانام.
 بو خرقەنин سايىھىسىندەن عجايىب مەرقلاچام،
 دروېشىن خرقەسى آلتدا مۇمنلر تكى پنهانام.
 دئدىلر قوشچو اوغلۇنۇ واجىيدىر اودا ياندىرىماق،
 سن اۋزۇن اهل قىساسان من اول قضايا قوربانام.

- ۷۵ -

ابراهيمىن دىدارىينا حسرت دىدار اولموشام،
 گۈرمىگە نازك جمالىن بندە خريدار اولموشام.
 گۈرموشوم يارىن دىدارىن، ساغ و سولونا باخمارام،

1- قارينجا: قاريشقا.

يانيلتما گل پادشاهيم منى، او ميدوار او لموشام.
 بوجاهانين حسرتىندن او جاهان ايمىش مقصودوم،
 من محمد□ين أوزونو گئوروب بالقرار او لموشام.
 بو ايکى جاهاندا منم من بير يئمىشىن آيسى،
 اونودا تحقيق ائيله يىب صبر ايوب وار او لموشام.
 دليليم ده بو جمع اولوب، پير بىنامىن منىم پيريم،
 يئر - گئوي بونىاد او لمامىشدان من بىل داخى وار او لموشام!
 قوشچو اوغلۇ او نە دىلدیر؟ جمى كىمسىيە سۈيلىم،
 گىزلتى اززل ارنلر، ايندى من آشكار او لموشام!
 - ٧٦ -

پردهلى گنج نهانام، كىمسە بىلمز ثنايتىم،
 دئىيب سۈيلىدەيگىم حقدىر، حقدن او لدو عينايتىم.
 حققى آشكارا گئورموشم، من گئوردو گومو سۈيلىرم،
 ايکى جاهاندا بير اولساد، يئنه ده سىغماز آيتىم.
 كىمىن آخچاسىن يئمه نم، كىمسە دن دونلوق ۱ دىلەمم،
 هر سحر دوستا با خارام، بو دور قوت و غناييتىم.
 منىم بو غريب باشىمىن سئو دالارا دوشدو گو چوخ،
 اشىيدنلر داخى قالار، دئير او لسام حكاييتىم،
 بونىادىنى قويدو او اۋز قدرتى نىن ئىلى ايله،

- دونلوق: خلعت، هدية.

باقى جاویدان اولدو يىنى باشدان بىنايىتىم،
ارنلىرى بىر سۆز دئىنده، قولاق اول سى دىل اولونجا،
كىم كى او خاموش گوش اولور، اوナ يىشىر كىفایيتىم.
دئدىلر قولچو اوغلۇنا: «اىيلمە، دىلر اىيلمە،
دىل - دىلە سۈپىلر، قول - قوللا، شاھا يىشىر شىكاييتىم!»

- 77 -

اززل قدرتىيندن سلطان سحاقى،
گۈزلىيم گۈرمىزدىر من سىچە بىلەم. 1

پېرىم بىنامىندىر، رەھبىرىم داودود،
بىنامىن شرطىنەن من كىچە بىلەم.
أرنلاكدىكىن بىچدى گۈتوردو،
من كى اكىمە مىشىم هەنج بىچە بىلەم.
ارنلر وارىنى يو كلتىدى گىتىدى،
مركىيم گىلمەسە من كىچە بىلەم.
قولچوغۇلۇنۇن خلعتى حقدن گلىر،
خياطسىز ياخانى من آچا بىلەم.

- 78 -

اززلدىن عشق اودونا يانە گىلدىيم،
شمعىوه يانماغا پروانە گىلدىيم.

1- اليمده اولان اليازمالاردا، بو كلامىن باشلىغى يوخدور.

قاليدىر بير ياغچى - يالاچى دوپى،
منى مأمور ائدىب ويرانه گلدىم.

كيمسيه دئمىشىديم اوللام قوناغين،
اول سېيدىن بئله مستانه گلدىم.

پير موسى ايله چون عهد ائيله مىشىديم،
يانماغا اول شمع سوزانه گلدىم.

بينيامين ايله چون شرط ائيله مىشىديم،
شارەزورا بده - بستانه گلدىم.

داوددا دئمىشىديم يولومو گۈزله،
انتظار چكىرىدى، بستانه گلدىم.

بو فانى دونيادا، اى قوشچو اوغلو!
بئش گونلوك عۆمر ايچون مهمانه گلدىم.

- ٧٩ -

حقدن بويوروق اولالى كان و مكان اىچىنده يم،
يئنه اۋزومۇ تانيالى گنج پنهان اىچىنده يم.

من اۋز باشىمى ساتمىشام، بو عشقى ساتىن آلمىشام،
جانىمین تر كىن قىلىمىشام، جرگە انسان اىچىنده يم.

ارنلره وعده وئردى: «هزاره دوندا گلرەم»،

هزاره دوندا يئتىمىشم، ساعات و مان اىچىنده يم.

هزاره دونون معناسىن نه بىلىسنى بى خبر جاهيل،

عاغلى ايله فيكىرى ايرمز، ١ بئله شون ٢ - شان اىچىنده يم.

1- ايرمك: يېتىشىمك، چاتماق. 2- شون: شوكت، عزّت.

يوخسوللار آشى سندهدير، يارلار قوماشى سندهدير،
دورلو متعالار ساتيرام، قولام، دوكان ايچيندهيم.
كيمسه بيلمزنه دريابام، يئلن يئله موج وورارام،
اوزگه دريابا بىزهمىز بئله عمان ايچيندهيم.
بشارتدىر قوشچوغلو، نه گئورستدى بارچەسىنى،
حقدن بوپوروق اولالى، دادلى بيان ايچيندهيم.

- ٨٠ -

سحرى صوبىحمد من يارا وارديم،
دردى بيرجان ايدىم تىمارا وارديم.

أرنلر جميئه گيردىم، او توردوم،
اوندا مئيدان ايچينده دارا وارديم.

ئىليليرم دونيادا مال ايله مولكى،
منىمكى ديداردىر، ديدارا وارديم.

بيگانه قاندا ١ وارگىتم ائوينه،
منىمكى آشنادير اونلارا وارديم.

قوشچوغلو گوناهكار باشدان آياغا،
يئنه گتىريپ جمه، يارا وارديم.

- ٨١ -

باغداد شەھرىنە گيردىم، گۇوهەر كانى يوكلىتىم،

١- قاندا: هاندا، هاردا.

بير آددىم كوفروم بوراخدىم، كُلّ ايمانى يوكلتدىم.
 بو منلىگىم، بو منلىگىم، منى منزلده قويموشدور،
 منلىگىم بيردم بوراخدىم، شير مردانى يوكلتدىم.
 ايستەدىگىم يولو سەچدىم كىمسە بىلمز يارلا گىتدىم،
 باغداد شەھرىنە واردىم، مەھدى يىزدانى يوكلتدىم.
 لوقمان حكىمى دە گۇردو، دىلەدەم اۆز تىمارىمى،
 دوزلتىدىگى دورلو اوغدان ۱ صافى درمانى يوكلتدىم.
 دئەيلر قوشچو اوغلۇنا ماتاعىن آلمىشىر، گىندىر،
 گىزلتىدىم ظاھير گۈزۈنەن، گنج پنهانى يوكلتدىم.

- ۸۲ -

حق صيفتى دريا ايمىش، ها وارا - وارا سؤيلرم،
 ايره بىلمم پايانيما، چندىن هزاره سؤيلرم.
 نە حدىم وار حق كلامىن اۆز باشىما من سؤيلەيم،
 بو اولولار كلامىدىر، سىز اولولارا سؤيلرم.
 حق يار آراسىندا سىردى، مخلوق اونو بىلمز ايدى،
 تا كى حقدن بويروق اولدو، مخلوق يارا سؤيلرم.
 حق جم ايچىنده اۆزودور كُلّ حقيقىت سۈزۈدور،
 من بو حقيقىت سۈزۈنۈ يار بىدارا سؤيلرم.
 من بو دىدارا عاشيقىم، ايشيم بودور ليل و نهار,

۱- اوغ: داوا، درمان.

بو دیدارین عشقینه دیر يېتن دلدارا سؤيلرم.
 منيم بو درد دليمى خبرسيز - بىلىسىز ۱ بىلمز،
 نياز ائديب درد دليم، اول نياز دارا سؤيلرم.
 منزل ارنلر منزلى، خواجم آمير ماسين بىزى،
 منيم ايشيم راهدارلىقدير، ۲ راهى راهدارا سؤيلرم.
 هر كيمين بير آلتۇتو وار، گىزلىنده ساخلار، سؤيلمز،
 پادشاه گنجى مندەدير، عالم - آشكارا سوپىلرم،
 دئىيلر قوشچو اوغلۇنا: «سن گوناھين آشكار اتىدىن!»
 ايندى من اوز گوناھىمى خاوند گارا سؤيلرم.

- ۸۳ -

يارنلر! بو گىچە شاها اوغراديم، ۳
 حق يولونا، دوغرو راها اوغراديم!
 نه ياتىبسان، حققىن وصفين سؤيلرم،
 گۈزۈم آچدىم روان ماها اوغراديم!
 گۈتورولدو پرده، جمالىن گۈرۈدم!
 يعقوب يوسىفى تك، چاها اوغراديم!
 دئورد فيريشىتەدن اىستەدىم جمالىن،

۱- بىلىسىز: باهل.

۲- راهدارلىق: يول گۈسترەنلىك، راهنومالىق، هيدايت.

۳- اوغراماق: راست گلمك، قارشى قارشىا گلمك.

شاه کرمیله در گاها اوغرادیم.

لیل و نهار چکرم آه و زاری،

قوشچوغلویام بار گاها اوغرادیم.

- ۸۴ -

یاریمی سئودیگیم ایچون نه ایله شوکرانا وئریم،

نه ییمی پیش کئش ائیله ییم، باشیمی قوربانا وئریم.

سنسن بوجانیمین جانی، سنی سئودیم اولدوم فانی،

سن گۇندرن دورلو خوانی، ۱ من جمه شوکرانا وئریم.

نه دیل ایله سؤیله ییم، من نئجه صؤحبت ائیله ییم:

نه باب ایلن يالواریم، نه يلرى سولطانا وئریم؟

من گۇودەیم، سنسن جانیم، من داملایام، سن عمانیم،

من قول اولوم، سن سولطانیم، داملانی عمانا وئریم.

قوشچوغلو! دورگل سن اول حق، اولمه گل سن حقدن ایراق،

كۈل وجودون وارلیغین ذرّه جه درمانا وئریم.

- ۸۵ -

بىرنىچە گز جهانبان اولدوم صنم،

گلدیم گۇودە ایچرە قان اولدوم صنم.

يىتل ایدیم، ياغمور اولدوم ياغدىم يىرە،

۱- خوان: سفره

بیر آووج تورپاقلا، جان اولدوم صنم!

آتا بئليندن آنانين بطينه،

يئيشىدىم بير داملا قان اولدوم صنم.

دور ايدي اوياندىم، اوزاندىم اوزوم،

اوز شهرىمده دورلو كان اولدوم صنم.

آدمدىر آتام، او دور پُستوم منيم،

من حوايا مهرىيان اولدوم صنم.

اوزوم موسا ايديم، وجودومدا طور،

او خويوبان خوش زيان اولدوم صنم.

اگر سن صدق سن، من لعل و مرجان،

سن صراف، من ده دوكان اولدوم صنم.

بىر نئجه اسکى دونون گىيدىم سنين،

بىرده گىيىب نوجوان اولدوم صنم.

قوشچوغلو آديله چىخدىم جاهانا،

گىزلندىم ايندى عيان اولدوم صنم.

- ٨٦ -

ساخلارام گىزلىن سيرىنى آچىيان اغيارا دئم،

من عاشيقِ اهل حقم بو خلقِ بسيارا دئم.

آچمارام سۆزونو سنين سينانمامىش ١ هريار ايله،

بو سۆزلىرين معناسىنى مىرى ناھوشيارا دئم.

صۈحبى اسروك اولانىن ھم اوزودە اسروك اولور،

1- سينانماق: امتحاندان كېچمك.

من بو سؤزون معناسينى هر بير بى اقرارا دئم.
 خلاييق ييغيليدى گلدى، «حق سؤزونو آيدىر» دئدى،
 مدعى دن توبه آمان، زنهاردا اغيارا دئم.
 قوشچو اوغلۇ يېتىدىن يېلىدىن حقىقىتىن مىقدارىنى،
 دوستومون دوستوندان اۋز گە داخى بىر دىيارا دئم.

- ٨٧ -

من بىر عاشيق شىيدايم، ألىمە گوللر آليرام،
 دوتبان گول دامىتىن قارشى بوبوللر آليرام.
 من بىر عجايىب اوغرۇيام، حققىن يولوندا دوغرويام،
 گىريپ كۈنولدن كۈنوله نېچە كۈنوللر آليرام.
 آيلار گلېب ايللر اۋتوب، غافىلىن ئۇمرۇندن كېچر،
 من بىردىمین صۇحبتىلە آى ايللر آليرام.
 درويشلىرى جىلاز ۱ گۇرۇب هېچ كىمسىنە بىگىمەدى،

من بوجىلازلىغىم ايله يىنى خالاتلار ۲ آليرام.
 دئدىلر قوشچو اوغلۇنا: «تعليمىنى كىمدەن آلدىن؟»
 دئدىم كى: «شاھ ابراهىمدان بىلە تعليمىر آليرام.»

- ٨٨ -

آخر گلمىشىم، يالله اوّلم،
 حئيوان نە بىلسىن من نلىيلىم؟

1- جىلاز: ضعيف، جانسىز، آريق و بگەنلىمز.

2- حالات: خلعت.

منیم سئودیگیمدیر، ای یار!
 عرشیله کورسی، لوح ایله قلم.
 سیزداخی بودم خوش گُورون یاران،
 بو گوندن دانلایا هیهات عالم!
 ندیم، نیله ییم، کُونلوم أليندن،
 بیر لحظه شادام، بيردم ملولم،
 ابراهیم دئیر: «زهر قتalam!»
 دوستلارا شفا، دشمنه ژالم. ۱
 گیزلی خزنه‌لر منده دیر یاران،
 گُؤوه‌ر شاهیندیر، منده دلالم.
 گل ای قوشچوغلو دوت اونو، یار اول،
 منیم خواجه میندیر جومله عالم.

- ۸۹ -

گل ای ارنلر سروری، بیر نیچه شان ایچیندەسن،
 بیر کره گُؤستر دیدارین بونجا جهان ایچیندەسن.
 بودور سئیله بیرم سوزون، کیمسنەلر گُورمز اوزون،
 بیر قافیله گُؤستر اوزون، بو بیابان ایچیندەسن.
 ارنلر شؤونیله گلدى، حققى جمدن تحقیق قىلدى،
 او خويانلار آدین بىلدى، علم قرآن ایچیندەسن.
 ارنلر دیر صاحب نظر، منکر اولان يولدان آزار،
 مئھرین تور كىستاندا گزر، ظاهير گوران ایچيندەسن.

۱- ژال:

خجیل قالمیشدى يارنلر، بارچە سنه او میدوار،
بىر يئىيدن آنلاشىلار ايکى جاھان اىچىنده سن.
قوشچو اوغلو بىر قولوندور، بلى باغدا بولبولوندور،
سن أرنلر سرورىسىن، دادلى زبان اىچىنده سن.

- ٩٠ -

حقىقىتە داخىل اولان، گرگك كىچە ئۆز سرىيندن،
كمر قورشايا خىدەتە، آسلاتا حققىن درىندن.
حقىقتە لجباز اولماز، لجباز اولان پايىن آلماز،
هر كىم دوروب جمه گلمز، دوشىر حققىن نظرىندن.
بو جم، جمع راستاندىر، پېرلىر بو جىمەدە مستاندىر،
ملەك لر يوردا پاسباندىر، جارو چىك شەپەرىنىدەن.
أرن اكدىيگىن گتىرەر، ئۆزۈنە خىدەت يېتىرەر،
هر كىم كى شرطى ايتىرەر قاولوار اوئۇن درىندن.
قوشچو اوغلو گۈوهەر گتىر، ئۆزۈن ديوانينا يېتىر،
ياخىنلاشىب وعدە بىتىر، قورخ بو واختىن خطرىندن.

- ٩١ -

يارنلر اسروك و ديوانەيم من،
شمعىنە يانماغا پروانەيم من!
تانيمايان منى قاراداش بىلير،
تانيان بىلير كى دوردانەيم من.
گل، گل! اى اوستاد بنائى نقاش،
آبادان قىلان گۈر ويرانەيم من.

زاهید سالوس تک غماز دگیلم،
 یار الیندن ایچیب مستانه یم من!
 قوشچو اوغلو دئیر: «عزیزیم ، ای یار!
 سؤیله‌دن سنسن یار، یوخسا نه یم من؟»

- ۹۲ -

دور ای غافیل نه یاتیسان، یار بیدارا عشق اولسون،
 دینی دینارا ساتمايان یار دیندارا عشق اولسون!
 غافیل اولما سوزون تانی، گُوزون آچ بیر اوزون تانی،
 ایتیرمه شرط و اركانی، گلن اقرارا عشق اولسون!
 یار او دور اولما یا ناشی، او لا ارنلر سیرداشی،
 یار يولوندا وئره باشی، گئدن سردارا عشق اولسون!
 مجنون تک یاشادا آغی، تا او لا لیلا قوناغی،
 مجلیسین ایچیندە ساقی گزن خومارا عشق اولسون.
 ارن او دور او یاق اولسون، حق امرینه سایاق ۱ اولسون،
 خواجهم گلسین قوناق اولسون، مجلیس یارا عشق اولسون.
 کرم قیل صاحب دولدول، کؤنلومده چو خدور درد دل،
 یشیش فریادا دردیم بیل، بیر دل افگارا عشق اولسون.
 کمینه کمترم مُضطر، گوناهین عقوبت ایستر،
 کرم قیل، ای کرم گوستر، قولوق، قوللارا عشق اولسون.
 قوشچو اوغلو یام او دلاندیم، الف قد دیندن او ساندیم، ۱

۱- سایاق: حُورمت قویان، دَقْتَلَی و هوشلو.

دیدارین شئوقونا ياندیم، مه رو خساره عشق او لسوون.

- ۹۳ -

منیم دو عام بودور يارا يارین کؤنلو او ياق او لسوون.
ساغلاری سایری او لماسین، سایری لاری ها ساق او لسوون.
حق گلسين دیوان قورو لسوون، يارین مورادي وئریلسین،
منکرلر بنده وورولسوون، لیل و نهار وو ثاق ۲ او لسوون.
پادشاه گئیسین قیمزینی ۲ آشکار ائله سین اۆزونی،
اویسون ۳ منکرین گۆزونی نىچەلرە ناساق او لسوون.
کونلوزدن چىخار دین غمى، صدق ائلەيین دوتون دمى،
آرايش ائلییین جمى، حق پادشاه قوناق او لسوون.
قوشچوغلونون حديثىدير ائشیدين جان قولاغىندان،
يازىلېدىر كلام اوسته: «يار يارا ها داياق او لسوون».

- ۹۴ -

او مىديم، غمخواريم ياردىر از لدن،
او مىديم در گاها واردىر از لدن.
الست گونوندە بىلى دئىنلىرىن،

۱- او سانماق: تىنگە گلمك و يورولماق.

۱- وو ثاق: اتاق، يورد. ۲- قیمزینی: «قیرمیزینی» سۈزجو گۈنۈن يۇنگۈل تەلەظۇدور.

۳- او يماق: چىخار تماق.

سؤزو انكار يوخ، اقراردير ازلدن.
 حقيت ار كاني اول كائنادان،
 مغربدن شرقه گولزاردير ازلدن.
 حقيت جاميندان شراب ايچنلر،
 آييق يوخ، مست و حماماردير ازلدن.
 دردللى اولا ده جمه سورونسون،
 جميع درده جم تيماردير ازلدن.
 بيرجه گووهر گلدى، اول كائنادان،
 ئىچه صراف خريداردير ازلدن.
 يارنلر قوشچوغلو گووهر كائيندان،
 دوشوبدور بوگون بيرباردير ازلدن.

- ٩٥ -

يوخدان وارا گلدىك بيزيار أليندن،
 شول آلاڭوزلرى خمتار أليندن.
 جمالين تفسيري نصر من الله،
 فتح قريب اولدو كردار أليندن.
 مين بير آدين مخلوق آيتين ايسىر،
 هاوار سندن خاوند گار أليندن.
 ابراهيم تك مني آتشه ياخدين،
 گل رحم ائيله گيلن گولزار أليندن.
 ايوب كىمى چكن جئور و جفانى،
 خلعته ايريشر ستار أليندن.

قوشچو اوغلو پيرين قهرين نوش ائلە،
شوكر ائلە نە گلير جىبار ألىندن.

- ٩٦ -

گلین بشارت قىلالىم قوتلوق ۱ زامان اولدو بوگون،
ھرىئىدە بىر اھل حق وار، دلشادمان اولدو بوگون.
سېز خبرىن وئرىن بىزە، بىز مۇژىدەنى وئرك سېزە،
تانرى آدم قالىبىندا بىر نوجوان اولدو بوگون.
ھر كىم حقىقته يىتە، صلاحدىر اھل ھيمەتە،
دؤوران دؤندو محمدە □، صاحب زامان (عج) اولدو بوگون.
ھر كىم حقىقته اىرە، منكىر اولان بىس نە گۈرە،
سياستى وئر تولكويە، نقادىم تالان اولدو بوگون.
بال دوداغىن شربىتىنى وئرمىم اىكى دونيايَا،
اول جورعەنى نامىرد اىچدى، كل زيان اولدو بوگون.
حق بورادا ظاھير اولدو، قوشچو اوغلو اونو بىلدى،
بېيشىگىنده اوشاقلارا اسرار عيان اولدو بوگون .

- ٩٧ -

گۈزلىيمە عشق گۈرونندو اھل عورفان چىرايىندان،
عالمه شىشه سالدى او چىرايىن شافاغىندان.
على◆نин دولدولو واردىر، قىبر كىمى قولو واردىر،

١- قوتلوق: مبارك، بركتلى.

هر کیمین موشکولو وادیر، دورسون جمین آیاغیندان.
یارنلدم بودمدورور، پیرلر بیرئد جمدورور،
حق، سولطان عالمدورور، انتظارام فراغیندان.
أیزده کردار گتیرین، اوززو جمه یتیرین،
کرداریزی پخش ایلهین، اوپیرلرین چاناگیندان.
دورلو قوماشلار آچیلمیش، دورلو گووهزلر ساچیلمیش،
قوشچوغلو جورعه سین ایچمیش، حقیقتین بولاگیندان.

- ۹۸ -

گلین، گلین، ای یارنلر، پیردلداری چاغیرین،
یارلیق کمرین باغلاین، یار یارانی چاغیرین.
او تورون حقین جمینده، او لون سوزونده دمینده،

اولماین کوفرون چمینده، درده تیماری چاغیرین،
اوخویون دفتر دینی، قلیزدن چیخارین کینی،
توتون شرطی، توتون شونی، داود نازداری چاغیرین.
اوخویون یارلیق علمنی، آرایش ائدین جمینی،
پیر موسی نین قلمینی، خاتون رزباری چاغیرین.
یئرلی یئردن دورون خوشی، آختارماین کم و بیشی،
حقیقتین جامی نوشی، مست و خمّاری چاغیرین.

اقرار وئرين، حققه وارين، يار اولان يئمز موردارين،
 باغلايين كمر - كردارين، يار يادگاري چاغيرين.
 كمر باغلا، هيّمت بستى، يار يارا ائيلمز قصدى،
 مصطفاي زبردستى، حق فهارى چاغيرين.
 قوشچو اوغلۇ حققى تانى، دردine گلردرمانى،
 او دور موشكوللر آچانى، موشكول گوشانى چاغيرين.

- ٩٩ -

گل، اي فقيه! نه ايستيرىن منيم تكى بىچارادان،
 سنى سالوس، منى يكرنگ يارادىيدىر اول يارادان.
 منيم نه ايشيم وارسنين تسبيح و سجادەن ايلە،
 عئلmine آغىن او خوموشام، خبىريم يوخدور قارادان.
 سن «چاهار پارە» نى هاچان چالدىن من «بلى» دئمەدىم؟
 «چارپارە» نى أله آلسام، دئنمزم «چەل پارە» دن.
 باخ آدام اوغلۇ كىمىدىر كى من اوندان احتراز ائدم،
 خوف و احتراز ائيلرم من او دوست يكبارادان.
 قوشچو اوغلۇ سن گل حققىن دريندە يكسان اولگىلەن،
 باسسالاردا غمىزانيه، آسسالاردا هزارادان.

- ١٠٠ -

گللين، گللين، سىزيارنلر، يارلىقدا كجباز اولماين،
 هرگىز دانىشماين يالان، يالانچى غماز اولماين.
 يالانچى غماز اولانين حق دريندە يوخدور پايى،
 حققى فراموش ائيلەيىب، گروه غماز اولماين.

كچ باغلانان يو كلر بيلين، هر گيز منزيلينه وارماز،
 ميزاني ساز دوتون گلين، ميزانا ناساز اولماين.
 آدينى اهل حق قويان، گرگ حق آدين ذكر ائسين،
 ييانلارا سس سالين، بيهوده آواز اولماين.
 قوشچو اوغلو حق جميدير، دور جمدن آل مورادينى،
 نياز اولوب جمه اقرار، جمده بى نياز اولماين.

- ۱۰۱ -

دور، اي غافيل! نه ياتيسان، صباح صالحان اولدو،
 عيان اولدو حقين نورو، شوكور ظولمت نهان اولدو.
 منيم كؤنلوم هئچ آچيلماز فراق و فيرفت و غمدن،
 شوكور گوردوك حق جمالين كؤنول بى انتظار اولدو.
 ساتارديم لعل ايلن گئوهر، دلال عشقه توش اولدوم،
 منيم كؤنلوم مصر و شام و عراق و اصفهان اولدو.
 شكردن شيريندير بالله يارييمين گفتاري بىزه،
 طوطى طلعتلى دلبريم عجب شيرين زيان اولدو.
 دئدييلر قوشچو اوغلو نا: «بو گئجه هاندا اوغرادين؟»
 دئدى: «دليل و دستكىير منه شاه جهان اولدو.»

- ۱۰۲ -

يارنلر اوغراديم شاها بو گئجه،
 فلك أوزوندە كى ماها بو گئجه.
 مبارك جمالين گورдум شاد اولدوم،
 سجده قيلديم او در گاكاها بو گئجه.

ئىرېيدىم دست بە دست دوتىدوم دامنин،

دئدى: «او خو گىلىن « طاها » بو گىچە.»

دئدىم: «يا على ◆ گل سن وئر موراديم.»

دئدى: «وئررم مورادين ها بو گىچە.»

قوشچو اوغلو اوخور على ◆ وصفينى،

اوغرايىب گنج ناگاكاها بو گىچە.

- ١٠٣ -

اولىنى آخرە گىلدىم بومىئىدانە، بومىئىدانە،

باشىم توب ائيلەدىم، سالكىم، بومىئىدانە، بومىئىدانە.

كىمسەلر يىلمىز من كىيم، ازىزلىن گلەمىش حاكمىم،

بوراخدىم كوفرايلە كىنى بومىئىدانە، بومىئىدانە.

علمدارام، علمدارام، ها، يىلىن اىوب ستارام،

يار ايلەن ازىزلىن يارام، بومىئىدانە، بومىئىدانە.

شربىتىن اىچمىشىم، قانىمام، وصفين ائيلرم اوسانىمام،

«بلى» نى دئمىشىم، دانىمام، بومىئىدانە، بومىئىدانە.

گۈزۈم آچدىم، حققى گۈرددوم، يارلىق أوسىتە گلىرى گۈرددوم،

قولام، ابد بقا يورددوم، بومىئىدانە، بومىئىدانە.

قوشچو اوغلو! دورشب اۇتىدو، عرشين قوشودور، بان ائندى،

يقىن يىللەم كى داش گۈرددو، بو مىئىدانە، بومىئىدانە.

- ١٠٤ -

گلىن، گلىن، اى يارنلر، قولاق آسین بو دستانە،

ايچىن خواجەم شربىتىندىن اسورو ك اولون مستانە.

دىلده سؤيلرم دستانى، گۈزلىرم چشم مستانى،
 گزرايدىم رومستانى، گذارىم دوشدى بستانه.
 گۈزۈمە گۈرونندو بىر أر، عالمى ائتىدى منور،
 آلدىم گۇوهرى، ساتدىم گۇوهرى، ايرىشدىم معدن كانه.
 «آب طاشار» دان اىچىلىدى، رحمتى يارا ساچىلىدى،
 هزاران گوللر آچىلىدى، بولبول اولدوم گولو سستانه،
 قوشچوغلو اوخور نه سىنى؟ اليفى، بئىي، ياسىنى،
 چىكى بار گاھ آرزوسونو، ارنلر يىتىدىلر شانه.

- ۱۰۵ -

ارنلر بىر نظر ائىلر بوبغداده، بوبغداده،
 پادشاهيم گذر ائىلر بوبغداده، بوبغداده.
 ارنلر ائىلەدى نظر، حق اوزو دون با دون گزىر،
 بازار گانلار سالار بازار بوبغداده، بوبغداده.
 حق طفل ايكن ديله گىلدى بىر نېچەلر سئىره گىلدى،
 جمیع پىرلر بىلە گىلدى بوبغداده، بوبغداده.
 حق اوزو عمانا دالدى، پىر بنىامين اونو بىلدى،
 ابراهيم حؤكمىلىن گىلدى بوبغداده، بوبغداده.
 يارنلر گلىر اوتورور، پىريندىن قوت گۇتورور،
 دورلى متابular گتىرير بوبغداده، بو بغداده.
 عجب ساعت بو ساعتدىر، جمیع دعوى كارلار ماتدىر،
 نېچە كىمسەلر حسر تدىر بوبغداده، بوبغداده.
 گبرىن دىنى زايل اولدو، بولبول گوله مايل اولدو،

قوشچو اوغلو قايل اولدو، بوبغداده، بوبغداده.

- ١٠٦ -

يارادان هاندادير كان مكانى؟

چاغيرارام گئجه - گوندوز من آنى!

ياراتدى گوجوندن يگانه گۇوهەر،

اۆزو اوندا ايدي بىلە مئيدانى.

نظر چشمىلە گۇوهەرە باخدى،

أريدىسە اولدو توتدو جاهانى.

كۈپۈ گوندن كوشكلر تك سالدى داغلار،

توتونوندن ياراتدى آسيمانى.

يىندى يئردىن يىندى گۈيدن يوغوردو،

بىرآ وج تورپاقدان دوزدو انسانى.

يىندى يوز يىتمىش ايل ياتدى گىل ايچره،

دؤرد يوز قىرخ دؤردد داما را وئرىدى جانى.

سوراغچى اۇتر اولدو بىل قوشچوغلو،

سىگەمى حقيقة اولدو روانى.

- ١٠٧ -

ازلدىن سئومىشىك بىزده اوشاھى،

اونلارين يارىدى بىر سىرر ايلاھى.

محمد □ معراجا واردىغى گئجه،

دىلر ايدى گۇرسون اوّل پادشاھى.

يوخارى وارىيان آصلانى گۇردو،

چیخارتدى اوزون گون، آلدى ياراھى.

آشاغى واريغان آواز ائشىتىدى،

گۈردو كى سۈيلەنر سىرر ايلاھى.

فەرا دئىيىن آچىلدى قاپى،

گۈردون كى اڭلىنib قىرخلارىن شاھى.

قولدور قوشچو اوغلو ديواندان گللىر،

سۈيلەدەيگى حەدىر، جەمدىر گواھى.

- ۱۰۸ -

أرنلر قولونا شان گلدى، گلدى،

اوخوندو بارات دۆوران گلدى، گلدى.

زەمى دەۋولت، بشارت، من گدايا،

گدانى گۈرمەگە خان گلدى، گلدى.

مورادىزى وئەر خواجهم كەريمدىر،

بو مورده جىسمىنە جان گلدى، گلدى!

منم يعقوب تك يوسىفدىن آيرى،

منه يوسىف كىنغان گلدى، گلدى!

قارىشقا تك بىلەن خىدمته باغلا،

اسوروك تك سولئىمان گلدى، گلدى!

قوشچو اوغلو جارلا طالىب ائشىتىسىن،

ترپندى ایران، توران گلدى، گلدى!

- ۱۰۹ -

يارنلر اوخورام بىلەن بو قرآنىن آياتىنى،

تانيانلار بيان ايلر بو سيررين حقيقاتيني.
نور ايديم توپراغا آتدى، يئىدى يوز يئتمىش ايل باتدى،
أرنلر پرده يه دوتدو، پادشاهين صيفاتينى.
گلدى اوغۇندو ۱ آغلادى، جىڭىرىمى داغلارى،
يارىلە بىلەن باغلادى، كيمسه بىلمز نىياتينى.
وعده يئىدى بىر ساعته، صلاحدىر اهل دۇولته،
دئوران يىتىدى مەممەد، قوللار گىسىن خلعتينى.
دئىين كى بىل قوشچو اوغلو، حقيقىن عيان اولموش،
خواجم گلدى كرم أوسىتە، وئرىدى يارىن مورادىنى.

- ۱۱۰ -

يارنلر جىمىسى مىيدانه گلدى،
جمدن روختت آلىپ دوستانه گلدى.
غىيانە دئىدى او لارام قوناغىن،
اول سېبدىن بىزە مەمانە گلدى.
لا ئويىنده دئىدى يولمو گۈزلە،
چىكدى ذوقىكارىن بostانه گلدى.
بىنيامىن بىر قاوال قويوب خرمندە،
خرمن زامانىندا خرمانە گلدى.

۱- اوغۇنماق: دعوت اولونماق، چاغربىلماق.

قوشچو اوغلو ايچىب خواجە ئىيندن،
اسرىيپ منصور تك مئىدانە گلدى.

- ١١١ -

أوستوموزه يورو تدولر تهمت ايلن سياستى،
بيزدن اۆزگە عاشق اولسا قوپارداردى قيامتى.
يز او واحدى گۈرمۇشك او دوندان دونا گىرنى،
حققىن سىنه ده بولوشو ١ چون قىلارىق عبادتى.
اگر اينام اھلى سىنيز، سىز بىزه باور ائيلە يىين.
بيزده ازىزلىن وئرمىشىك محمّدە ◻ صلاوتى.
بىزه دگىب دولاشماين، بىز او سولطان قوللارىق،
بىزه دگىب دولاشانىن تىز باغاناتار بشارتى.
بىزه دگىب دولاشانلار، منزل باشا آپارمادى،
بئيلە تحقىق ائيلە مىشىك اوں صاحب كرامتى.
گر بىزدن سؤال ائده سىز، سؤالىزا جواب وئرىيڭ،
بىزيم ايلن اولور ايسە او آللەھىن عينايتى.
على ◆ ايلن محمد ◻ين آراسىندا هېچ نسنه يوخ.
اول حق ايله ابراهيمە كىيم قويوب دور تفاوتى.
اگر توركى سؤيلر اولسام دوشىر ارنلر بىئينىن،
ئىچون سىزه آجي گلىر دادلى سؤزۈن حلاوتى،
منكىر نەدىر قوشچوغۇلۇنا دئىه مجوّت ٢ سؤيلە!

١- بولوش: كشف اولما، تايپلما.

٢- مجوّت: مقدىس كلام، قوتلو سؤز.

مَگَرْ دَيْه بِيلِرمَ من توركى دِيلدَه مَجُوّتَى!